

甘肅全省新通志

卷
柒拾叁

50180
39
印=58

76587

甘肅新通志卷之七十三

孝義

移孝作忠故求忠臣者必於孝子之門好義輕財故為義行者必非守財之虜甘省民情樸厚庸行之修與夫睦婣任恤實能見諸躬行者所在多有閭里欽慕日久流傳其幸者曾荷

旌揚不幸則並採訪所不及挂漏之譏誠所不免然凡著於篇者可以

風矣

蘭州府

晉辛 理狄道人美容貌張軌欲奪其妻以寡妹妻之理割鼻自誓軌大怒徙為敦煌太守護羌校尉遂憂死

張 嵩狄道人事母至孝母死既葬廬墓側哀感幽明忽墓地自裂棺自破母遂蘇活

甘肅新通志

卷七十三

人物志 孝義上

一

北魏辛 穆字叔文狄道人舉茂才為雍州別駕初隨父鳳達在下邳與彭城陳敬文友善敬文弟敬武少從師遠游久不歸敬文病臨卒以雜綾二十疋託穆與敬武穆久不得見經二十年於洛陽見敬武以綾還之封題如故歷義陽太守領戍雅有恤人之志再轉汝陽太守遇水滂人飢上表請輕租賦帝從之勅汝陽一郡聽以小絹為調除平原相徵為征羌將軍大中大夫卒於郡詔贈後將軍

辛少雍字季和狄道人少聰穎有孝行尤為祖父紹先所愛嘗呼共食羊肝及紹先卒少雍終身不食羊肝性仁厚有禮義門內之法為時所重始為功曹參軍清正不憚強禦請託路絕時稱賢明正始中詔百官各舉所知高陽王雍及郎中李憲俱以少雍為舉首卒於給事中少雍妻王氏有德義少雍與從子懷仁兄弟同居

懷仁事之甚謹閨門禮讓入無比焉士大夫以此稱之
李產之字孫僑狄道人容貌短陋而撫訓諸弟友愛篤至弟舊之
武定末司空主簿

明張銘德狄道永富第五子洪武初以官下舍人選充隨駕操備三
年隨兄調臨洮衛銘德事親孝教子孫有義方年八十餘卒子翥
嗣指揮

岳 宗狄道人由舉人任江油縣知縣清苦慈明民愛而畏之去
後立碑頌德歸里後爲學宮置祭田二百餘畝宦中俸貲及祖遺
產業令子與姪均分之

趙 奈臨洮人會川伯安之孫府學生事親至孝父有疾晝夜祈
禱於天父歿哀毀而卒

曹邦牙臨洮人知縣俊之孫府學廩生善事父母父疾籲天祈以
身代父歿數日不食哀毀而卒遠邇以孝子稱之

甘肅新通志

卷七十三

人物志 孝義上

二

雍 蘭狄道人郡諸生母患瘡蘭師之母卒廬墓三年

楊 牙狄道人父桂戍貴州牙隨戍所竭力奉養桂歿牙扶櫬歸
里母病篤牙侍湯藥衣不解帶母卒號泣幾絕舉二親合葬

李 銳字徐之蘭州人由監生官河南府訓導丁父憂服闋改授
四川簡縣訓導卒於官事繼母以孝聞撫育諸弟及弟之孤甚厚
吳 瑛靖遠衛指揮少孤母馬氏撫育成立及嗣職事母孝歷官
都督俸資胥歸於母聽母分給諸弟共食一堂一日母疾醫曰人
肉可療瑛遂割肉投粥母卽愈官至總兵

石 恆蘭州貢生任直隸正定府經歷正統間父喪廬墓母失明
恆籲天餽而愈人共稱焉

唐 泉字本清蘭州人天性孝友母蕭氏病篤嘗割股和藥飲之

而愈與弟海友愛最篤後海卒每食必號哭不一載得疾亦卒嘗赴京同衛汪姓者歿於京負其骨歸葬之

陳 泰蘭州人與弟和極相友愛和卒遺二子曰簡曰策俱幼泰養育周至不啻己出

陳 和泰弟天順間泰被選從征和念泰年邁且乏嗣遂請於總戎願代泰往既中流矢官司給輿以歸病十餘年鏃始潰出及卒毫無怨悔鄉士大夫咸稱之

周 海字克容蘭州千戶嘗師事段堅篤學好禮以古人自期居官公勤清慎戎務畢舉事親純孝母嘗病籲天求以身代妻張氏割股和藥以進母病遂愈

段鳴鶴蘭州人性至孝父疾籲天求以身代割臂肉燔爲灰和湯藥以進疾尋愈鄉人以孝重之孫堅南陽知府入祀鄉賢

甘肅新通志

卷七十三

人物志 孝義上

三

劉朝宗狄道人由舉人任吏部司務歷戶部員外又陞本司郎中以母老侍養乞休進階朝列大夫

張 全字文美狄道人親歿廬墓三年有雙兔馴擾之異

殷 富蘭州人純篤孝友舉成化丁酉鄉試任樂平縣訓導陞昌平州學正弟曰實曰安曰甯富皆勉以舉業後先俱登鄉薦後甯卒遺孤養育周至不啻己出土林重之

王 麟字廷瑞蘭州人事繼母以孝聞成化間父用以訟繫獄遭疾幾危麟禱於天願以身代尋疾愈謫戍廣西麟代父行踰二年中瘴癘卒於戍所僕負骨歸葬於蘭士林皆稱爲瘴江孤孝

禹 祥字廷珍臨洮衛人舉成化十三年鄉試任劍州知州生平廉能性至孝家嘗被火祥惟抱先人主餘悉不顧

蕭 韶狄道人性質樸好古成化庚子舉人惠愛貧乏親歿廬墓

三年

殷 實富之弟舉成化庚子鄉試學行端毅居父喪三年不入私室丁母憂寢苦枕中寒疾而卒

廖 恕狄道人性至孝母有疾夜不解衣湯藥必親嘗及卒哀毀骨立鬚髮盡白既葬負土築墳廬墓三年

任 重蘭州人宏治初庠生母卒廬墓三年有盜犯廬所欲劫衣糧重守墓號泣盜感其孝遂去

張 儒字爲己蘭州人宏治乙卯舉人勤苦有志行事父母克孝事伯亦如父伯無子卒卽奉養伯母於家事如母授新繁縣知縣未任

趙 昇靖虜衛人少孤事母至孝長襲本衛百戶屢立戰功進指揮僉事宏治十年與敵戰奮勇當先身中三刃母聞驚病而歿昇

甘肅新通志

卷七十三

人物志 孝義上

四

至家哀痛踰旬亦卒

蔣 漢蘭州人天性孝敬家雖貧凡力所能者無不奉親購時新品物親未嘗不入口每出入必先備父母所用酒肉而後往人稱孝養

段 增字志崇蘭州人性耿介刻苦問學親歿三年不赴飲燕處家一絲粟不入私室其從妹孀居一子一女增撫愛如子鄉人賢之子續登進士第仕御史

雍大武字政和狄道御史焯之父也正德間舉明經孝友篤至父病涕泣祝天剔臂肉炙以進每歲別貯廩租恣諸弟取之後仕肅州衛教授卒

白 本字素卿狄道廩生母卒時猶在襁褓其父以出游年久忘其墓所及本成立遍訪母墓不可得每寒食望風號泣遂憂鬱成

疾卒本有訪墓記郡人潘光祖爲詩贈之

陳 紳靖遠衛指揮善子正德丁卯舉人時值歲饑卽捐牌坊銀以濟貧困事母至孝因苦學成疾繼以母喪哀毀過甚踰年而卒高 文靖遠庠生父俊歿於陣家寒諸弟冲幼竭力事母友愛諸弟嘉靖七年赴中衛糴糧忽心惕卽馳歸果母病弟武亦往河南經歲適至三日母卒鄉人皆稱至孝所感

石貞乾字定于狄道人少孤母劉氏撫育成立母卒哀毀逾禮廬墓三年郡守及司李共議旌之堅辭不受

金 鐸字文振蘭州人少孤好學撫育諸弟成立務農商之業家道日裕年七十餘終不析產幼弟蚤亡遺子瑞撫之如己子

柴 惠字以仁蘭州人事親以孝聞母早喪奉繼母衛及閭尤孝謹繼母歿殯葬以禮人有言與弟析產者正色拒之弟尋天撫養

甘肅新通志

卷七十三

人物志 孝義上

五

遺孤成立

陳 錫字本誠蘭州人嘉靖八年州大饑餓殍載道錫倡眾捐貲募人於四郊外分掩之閱數月所瘞屍凡萬餘有司旌其門十六年州復饑錫復倡眾掩埋功倍於昔當道再表其閭

曹守忠蘭州人性慷慨萬厯初兩遇奇荒煮粥救饑全活甚眾又出其積粟平價出糶流離者資助還鄉貧病者施藥療治當道以義民旌之

李尙賓靖虜衛增生幼喪父事母至孝萬厯十年母卒尙賓悲痛七日不食亦死少卿邢玠贈銀爲喪資且旌其廬

李 敦渭源人父早喪母撫育成立敦孝敬異常母歿廬於墓側朝夕拜哭萬厯二十八年直指表其門

羅應誥狄道人府學生事父孝菽水必親捧起居必親扶壽八十

有五卒應誥哀毀骨立既葬廬墓三年

劉 雄蘭州人少失恃力農事繼母韓稱孝韓性嚴急屢被譴責愈加敬謹韓因感爲慈母迄長父命與兄異爨力辭不忍乃以田園讓兄而自取敝廬至於葬舅喪焚負券鄉人最重之

陳 鑑蘭州人以孝聞里閭母歿哀毀踰禮不入私室者三年事師孟生極厚孟將終託孤寄金帛於鑑其後孤成立悉還所寄封識宛然鄉人咸服其義

楊 均蘭州人立心制行邁出等倫父及伯父早卒均孝事伯母及母撫弟遺孤營舅氏喪篤於恩義人所難及

王朝相狄道庠生從游楊繼盛之門清操不苟一日市有遺金者覓還之繼盛贈其門日十兩白金輕一芥百年清操重千鈞後三世孫汝明登第

甘肅新通志

卷七十三

人物志 孝義上

六

楊 景字時泰蘭州庠生性謹樸游郡庠以親老求退父先卒樹萱數本於階之兩傍以奉母爲樂自號曰樂隱

李 東字子震蘭州廩生始生日光神彩既長聰穎博覽年十三爲諸生母王氏守節東孝養不怠母有解顱疾苦難瘳禱乩得奇方而愈人以爲孝感所致因而精醫後授訓導壽八十有八

楊啟蒙狄道人萬歷中爲推官吏時學政嚴有五廩生得罪推官欲揭以行劣命蒙錄過蒙請曰五生半世寒帷休之一旦小人弗忍請之至再推官怒笞之蒙叩頭流血堅辭而出曰吾不忍以刀筆殺子孫次早推官呼蒙至曰予因汝言五生劣狀俱焚之矣嘗聞有陰德者必大其門閭爾子孫必有登第者其子行恕果登天啟二年進士官翰林院庶吉士

李守文蘭州人幼有至性母李氏甫二十餘孀居多疾文晝夜侍

湯藥及長夜必數起視寒溫家雖貧竭力以供母壽八十奉母五十餘年略無懈志內外以孝子稱之

駱興周蘭州人幼喪父母郭氏孀居四十餘年竭奉甘旨曲體慈心微聞母愁戚聲伏枕婉慰竟夜不寐撫姊妹四人情義切篤肅藩旌曰母慈子孝

趙重琮臨洮衛人指揮使掌衛事十餘年先是屯政多以常例病民琮力革舊習萬厯中捐粟千餘石賑饑存活甚眾尤通經史雅意文學每以屯政所贏厚資興禮士林重之屢有戰功受上賞官至鎮國將軍

張漢俊字今房臨洮衛人舉天啟丁卯鄉試三歲喪父其母與大母俱孀姑婦相守紡織撫孤稍長日夜悲思其父大母旋沒哀毀盡禮孝事母若成人肆力經史以理學自期言不妄發人不妄交

甘肅新通志

卷七十三

人物志 孝義上

七

人皆重之與兄漢傑同居友愛諸戚貧者代籌婚嫁賑窮周乏恤孤養老望重一時後以疾卒於家

張 旺狄道人生平積行累仁嘗一日平旦入城拾旅人金三百五十錢密藏僧舍候至午見二人號泣詢之一人備道遺金情事旺盡還之不肯受謝後孫萬紀登進士入祀鄉賢

袁應舉臨洮人幼讀孝經小學心佩之事親色養父母亡合葬之廬墓三年朝夕悲號不入家門日手作三坯及三年成大家後生孫玠博碩宏通爲時大儒著書見藝文目錄

李一桂臨洮人郡庠生性純孝天啟中父柱材授靖邊學正陞四川渠縣令未赴任卒桂奔喪扶櫬中途被劫資斧一空時值隆冬雨雪桂鬻身衣覓人同已輿櫬及衣盡乃抱柩號泣仆地適上官經過捐給路費始得扶柩歸葬

張 總靖遠人篤於好善明末大荒饑民死者不可勝計總獨捐貲雇夫掘大坑各處收埋屍骸三千有餘衛人義之
袁養浩字義生狄道諸生幼有大志下帷發憤闖賊之亂遂棄衣冠躬耕養親壽八十餘卒

國朝陳尙德字良吾蘭州人輕財好施康熙間歲大饑出粟賑鄰不足雇牛車三十餘乘遠自鞏昌轉糴以資接濟里人德之
程鴻翔蘭州庠生有學行康熙間 文廟禮器壞缺約同學增補之因宮牆偶有坍塌應隨時修葺釀錢卽垣外隙地構廡市十楹取歲租所入以充經費蘭之有修學社自鴻翔創始鴻翔嘗捐大石百車爲 文廟基並置石香鑪一座堅固樸實及病革呼其友劉鷗舉以修學社事諄囑之而卒

陳經文字子訓蘭州人拔貢生居親喪三年不入內室授徒束脩所入與諸兄均之再從子篤三歲失怙恃經文收撫之爲授室給產及卒篤服喪三年郡守歐陽永旆旌之

甘肅新通志

卷七十三

人物志 孝義上

八

王鴻孝皋蘭人少學賈喜覽羣書勤儉三十年有田數十畝梨棗數百株子長付之徜徉山水間嘗獨游河干見一異鄉少年將投水急止而詢之則爲人收債百金而失遺者鴻孝惻然良久引至酒肆立百金券授之曰我家在某處明日來吾償汝少年愕然不敢受諭之至再乃涕泣而袖之詰且少年至鴻孝持券示諸子曰此吾故人子也久負其債當速償皆唯唯受命少年受金拜謝去鴻孝沒後數年少年復至泣拜其祠倍還前金而具述其故諸子始恍然知向券所由來云

劉佩璜字渭卿皋蘭庠生肄業蘭山書院常熟盛元珍掌院事其少子某來省未幾病歿殯於東山逾年元珍將南歸不能挈其骨

以邱壘相屬佩璜卽以其子炯寄元珍主春秋祭埽元珍感泣登車去

狄道吳鎮弔以詩曰墓頭風雨墓中吟二十年來老素心傲骨不堪彈鍊賣新聲腸斷揀沙金揀沙金佩璜所作樂府曲

孫 德字克明皋蘭武生事繼母以孝聞嘗監修三公橋捐助興文社族有貧乏量力給資晚置祭田若干畝供先祖春秋祀事以其餘助族人婚喪之費及鄉會試川資弟本一名如淵亦武生少好任俠父切誡之乃折節改行後游五泉崇慶寺歸已向瞑前行有車坐少婦無賴八九輩夾轂隨行恣意嘲謔車後從一童子噤不敢發聲本瞠視良久曰吾今爲馮婦矣攘臂直前諸無賴皆披靡婦車始得去本將死出篋中金分給諸姪不私其子

陳 炷字我檀皋蘭歲貢幼有至性親老家貧力田自給聚徒授經晚歲研究周易悟河圖洛書之旨痛母早逝冠白冠終其身父歿臥苦塊三年墓在唐帽山距城數十里每歲春秋及忌日必徒

甘肅新通志

卷七十三

人物志 孝義上

九

步往祭哭泣盡哀年踰八十猶策杖拜親墓如禮其篤孝如此邵國本字培英皋蘭附監生早歲失怙事母至孝業師李仙根歿妻無所依國本日餽兩餐恩遽霑雨未嘗缺旣歿喪之如母長子榮清乾隆三十五年舉人次子華清乾隆五十七年舉人官朝邑縣教諭

秦 潤字霽園皋蘭人慷慨好義乾隆三十八年大旱鄰里謀逃婦孺嘔哭欲死潤出已糧六十石計口分給眾由是免流離子基貴監生能繼父志每歲暮分金粟周戚里之貧乏者比鄰有某士素剛介斷炊困卧三日不出基貴潛饋數金某爲感泣嘗獨行遇少婦泣路隅裙袿沾汗簪珥墜失蓋騎馬赴新婚家誤墮泥中服飾皆假諸他人家貧姑嚴懼不能生詢悉其故慰之歸明日如數購新者踵門贈之

陳 誨字存之皋蘭人乾隆四十五年舉人生有至性母早歿哀毀如成人父卒廬墓泣血三年不茹葷酒事繼母尤謹每事先意承志晚年選授蒲城縣教諭以繼母疾告歸授徒里中年八十卒劉 漢皋蘭人慷慨好義袖川門外三公橋橫跨阿干河上撒拉之亂橋被毀往來者艱於揭厲嘉慶二年漢獨力重修費白金二千兩規模一如舊制時人稱之

蔡永泰字心齋皋蘭歲貢生敦品勵學嘗修族譜父歿廬墓三年後值軍興餉匱永泰輒先輸將爲鄉人勸親族有貧乏者則周恤之鄉里至今猶稱道不衰孫繩仲己丑舉人

李崇德字元中皋蘭人好善樂施歲薦饑屢出藏鏹賑鄰里邑中創設義倉捐糧三百石後僑居靖遠捐粟亦如之里人勒石紀其善行弟凱德監生性亦慷慨立義冢建青城書院捐資獨鉅親鄰

甘肅新通志

卷七十三

人物志

孝義上

十

匱乏及赴鄉會試者恆仗助不吝云

陳 增字退軒皋蘭增生篤於孝友母歿日夜哭泣淚盡繼之以血設帳涼州聞父病卽徒步馳歸弟坦亦諸生早卒遺孤甫七月視如己子教養成立增與坦俱精史學擅文名著書見藝文目錄田毓采字貢五皋蘭人嘉慶十八年舉人幼喪父育於其叔貢生維粟旣登鄉薦從弟等欲析爨卽以應得產業悉數獻叔而已則課讀養母母得喘疾入冬益劇奉侍左右不忍暫離故未嘗一赴會試後官永昌縣教諭卒

劉世延皋蘭陰陽學訓術前訓術尙傑之孫也祖爲賊所殺父亦繼亡世延年尙幼惟祖母白氏母王氏撫之無親屬可依世延賣餅以養克盡孝道及長嗣祖職道光元年 旌表孝子

王鍾靈字世芳皋蘭庠生孝友端謹不喜浮屠而見義必爲凡修

橋梁建祖祠置祭田皆身任其勞而出貲亦鉅又別捐義田以贍宗族設義倉以備凶荒創義塾以誨鄰里子弟且病訓蒙者多欲速不從小學入門特集童子禮一帙而躬訓課之所居爲鳴鶴村故義塾義倉皆以鳴鶴名道光元年公舉孝廉方正時以爲允劉建塘皋蘭人天性純孝父早歿事祖母及母務悅其心母歿廬墓三年道光十二年旌表入祠

吳世廣皋蘭人幼繼其叔父桐爲嗣家貧肩負營生以養所後母母病湯藥必親進及歿哀毀盡禮旌表入祠

金玉音字德昭皋蘭人道光十二年舉人生有至性父歿甫三歲聞母哭聲卽依戀悲嘯不能自己比長奉事唯謹歷四十年如一日家貧設帳自給然及門有貧而才者則卻其束脩使之卒業二十四年大挑得知縣以母老就教職歷任平番縣訓導中衛縣教諭皆勤於其職家居時事關培植學校必竭力贊成訓徒循循善誘成就甚多

甘肅新通志

卷七十三

人物志

孝義上

十一

劉獻秘字華韓皋蘭歲貢生學問勤苦慕邑人段堅理學動息必以禮節痛母早歿父前不敢揮淚而枕簟時有涕痕事繼母如所生後選涇化縣訓導依戀膝下不之官道光十三年公舉鄉飲大賓卒年八十餘

邱浦字雨田皋蘭恩貢少孤事母至孝母年高依戀膝下不復赴陝西應鄉試事兩兄如嚴師授徒講學以立身行己爲重門下入庠者四十餘人

徐萬鵬字叔鵬皋蘭人郡廩生以親老不忍暫離終身未赴陝西應鄉試生平究心宋五子書設帳授徒先品行後文藝子文綱庠生亦至孝事繼母如所生待諸昆季友恭肫摯

滕廷伯字友卿皋蘭人幼孝謹父夜飲遠出必往迎父以其穉禁之則徹旦候門外雖風雪不避及長好行其德年饑罄家粟賑濟不足典衣轉糶以濟之

王作洪皋蘭人父蕙卧病久仰天叩禱割臂肉和藥飲之而愈人以為孝感所致

竇學誦皋蘭廩生早失怙恃事繼母承顏希旨母偶不悅必拜跪婉勸母笑乃已鄉人咸化之

金守達皋蘭人幼孤事母孝友于兄弟弟某業儒母或怒其懈怠守達必長跪請命母輒為之解顏

徐一奎字星五皋蘭人道光十五年舉人官永昌縣教諭幼聰穎有至性母歿時甫六歲見父病輒啜泣不食父卒蔬食三年平生於書無所不讀星卜皆精妙

甘肅新通志

卷七十三

人物志

孝義上

十三

曹英字傑人皋蘭廩生績學能文內行甚篤道光二十五年學使案臨三試皆冠其曹父歿蔬食獨寢以毀卒人咸惜之

耆民王維藩蔡倫俱皋蘭人均於道光二十六年辦理社倉有功鄉里多蒙其惠知縣某均賜坊表曰樂善

何文煥皋蘭人為人好義急公道光二十七年創建家祠置義田二十畝歲獲糧石供春秋祭費餘以贍宗族之婚喪無力者不足則出己貲給之時人咸敬重焉

安世舉皋蘭庠生嗣其叔父繼祿為子篤於孝行繼祿病革思食西瓜時值二月以厚價購得一枚剖之瓤壞不可食世舉以為憾自是終身不忍食瓜

曹曉霞名煜以字行皋蘭人議敘同知父早卒事母至孝友愛兩弟熙炯延師督課之後皆貴顯助修皋蘭書院龍泉里塾補貢三

公橋展拓上溝等處道路善行纍纍其典鋪童有收債五十金而中逸失遺者鋪眾大譁童愧欲覓死曉霞聞之曰吾昨過某處拾銀一封欲訪其主還之既如此乃我家物銀具在勿譁也作家中使帳可耳

馬中智字睿齋皋蘭人好善樂施歲饑出粟賑鄰有以婚喪來告者婚助費五緡喪助費三緡率以爲常年八十一將歿盡焚篋中借券約計千二百餘緡鄰里德之

趙秉儒皋蘭庠生與客民汪天元友善天元歿其子適回籍秉儒經紀其喪見屯糧處皆藏白鏹遂封識收之其子至悉數相付而已無所私

顏和宗皋蘭人託逆旅爲業晨興檢點客舍得白金二百兩於壁間越宿失銀者倉皇尋至和宗笑而付之

甘肅新通志

卷七十三

人物志 孝義上

三

李明揚王世旺徐法中俱皋蘭人均善事孀母明揚每得甘旨必奉母母足跌病瘡朝夕吮之而愈世旺母多病藥必親嘗便溺諸器皆躬自洗滌旣而身嬰重疾手握母腕一慟而卒法中母三十餘歲守節格於例不得請 旌法中以爲憾後與兄子分爨諸多讓之

張克聖字蘭谷皋蘭人嗜琴書喜吟詠父早歿事母至孝便身之物悉躬執之鄰有膝鬪者素忤其親克聖婉言勸成且邀至家令觀已奉母諸事悶悔泣改行亦以孝聞

牛 旺皋蘭人父早歿事母務順其意家有肥牡里人購以錢六緡旺不許會他出其母以三緡售之旣歸母告以故旺喜即以牡付某驅去旺孫居堂性亦友愛其次兄居寬嘗因事遷怒斫居堂腹幾死親族咸爲不平欲鳴請官居堂力止之事兄益恭無怨言

張有棟皋蘭人母早喪事父至孝父年老艱於步履造四輪小車載父出入而身自推挽之

張元儒皋蘭監生世居永泰川之灰圍堡戶大丁多雍睦無閒有累犬共牢之應咸豐初鄉農皆捨禾麥種罌粟元儒獨否其佃戶亦無一人種者同治中陝回掠永泰川鄰里多斷炊元儒罄藏粟賑之並給資遣赴中衛縣就食秋成後復資令回籍平日好善樂施藥餌財粟皆不責償且刊印善書時以張善人稱之

段尙仁字崇山皋蘭人前明鄉賢段堅十三世孫也性穎異好讀書平生以禮自持鄉鄰有叔姪爭競者尙仁曉以大義叔姪感悟拜泣而去事親誠孝甘旨無或缺母病湯藥必親進既歿廬墓三年父歿亦如之

侯國錫曹臨泰俱皋蘭南鄉人性均樸直同治間回亂歲饑升麥

甘肅新通志

卷七十三

人物志

孝義上

古

值萬錢國錫家藏小麥二十餘石散給鄰里不取值活六十餘戶臨泰當回亂時率眾修築石堡與本鄉五莊難民共守之匪畝則通力合作與眾共之亂平歸莊全活三百餘戶

劉忠皋蘭人喜施與嘗賣米歸見一人倉皇欲投河詢知其貧卽以賣米錢入緡付之

段維翰字熙垣尙仁子恩貢有至性母歿三年不茹葷不飲酒寢苫墓側有盜數人來劫告以故羣相語曰此孝子也遂引去旋署甯遠縣訓導教士有法痛兄維義殉難奉孀嫂恭謹事叔父依仁備盡孝誠任安西學正時聞叔父喪亟請交卸不許再請仍不許遂報丁艱以歸聞者咸稱歎焉後選授高臺縣教諭在任五年以病乞歸卒著書見藝文目錄子士偉新疆巡檢士俊進士官陝西知縣士佶四川典史士杰補用游擊

韓應春字東生皋蘭歲貢生篤於內行親疾日夜侍湯藥無少懈
叔父老無依迎養以終其身生平博覽羣籍明歷算學精青烏術
究心宋儒性理之旨著書見藝文目錄

蔣時芳皋蘭北鄉處士也家貧事母至孝母病湯藥必親嘗始進
衣不解帶目不交睫者數月及卒喪葬盡禮眾舉爲族長教導有
法同治四年紅圈回匪叛踞各莊時芳奉縣諭挑練民勇防守五
月初五日服青錢甲與賊鏖戰身受重傷血流成塊暈絕者半日
賊退眾昇歸救治數月傷始平復其族兄蔣時雍族弟蔣時得蔣
世俊蔣喜連死事最慘時芳來省供辦勇糧兵車爲當事所嘉獎
年逾六旬無疾終

魏作謀字應亭皋蘭廩生幼失恃育於外祖王鍾靈鍾靈故以理
學名作謀親炙久頗著孝行其父嗜酒或暮飲未歸恒攜燈往迎

甘肅新通志

卷七十三

人物志 孝義上

五

扶掖以歸館穀所入輒供父杖頭費父怒必長跪請過人謂其能
色養

劉 仁皋蘭人幼喪母事父孝父歿廬墓三年終其身不飲酒茹
葷弟某早逝遺孤幼撫之如己子

蘇尙義字正卿皋蘭 恩貢生篤志向學事父母起敬起孝人無
閒言家苦貧設館授徒藉脩脯以供甘旨母年八十餘得顛疾尙
義年已六十飲食起居皆身任之母歿未二年以毀卒先是同治
六年逆回犯省城尙義家被焚父廷桂弟尙禮俱遇害尙義趨救
父賊斫其頸者再暈仆於地越一宿始蘇乃匍匐奉母匿郭門下
卒免難人以爲孝感所致

彭一德皋蘭人同治閒回亂負母逃難數遇賊一德哀求賊義而
釋之後母得痢疾一德籲天祈以身代母疾尋愈

安世居皋蘭人生員天性至孝家貧凡果品食物親未嘗不敢入口父病思食瓜時五月徧求不可得父尋歿世居每屆瓜期卽仰天號泣遂終身不食瓜

狄老六佚其名皋蘭人少喪母繼母患目疾醫藥不效狄割臂肉一片投藥中母服之目復明

劉得生皋蘭人累世同居性孝友鄰里有急輒竭力助鄰里德之方處中紅水人文童同治四年賊陷城父被執處中急詣賊營乞以身代賊釋其父處中被害

楊生茂字桐齋紅水人生員同治四年回亂生茂出粟賑濟全活甚眾五年斗粟三萬錢生茂弟生榮減價糶糧以濟困子友桂施粟周急饒有父風

高慎之皋蘭高家灣人同治五年三月回亂避難於沙坡密賊用

煙燻慎之負母出賊感其孝釋之並指避難之處慎之兩子被賊擄去向賊泣問祖母與其父不問及子而賊並釋之一家俱免於難云

劉錫田字子甫紅水人同治回亂嘗輸將救急鄉人至今稱道不衰云

宋懷儒字德卿紅水廩生性孝友父早歿力農事母業師駱某年老多病託孤兒寄金帛於懷儒駱歿殯葬以禮俟其子長悉還所寄友愛弟終身無閒言精地理術同治回亂鄉人避難穴居泰尾山溝被賊困乏水懷儒不避危險星夜點泉以解眾渴後被賊推置崖下死而復蘇人謂善行之報

張學禮紅水人道拾遺金五十兩底券兩函越二日失主尋至學禮悉數予之遺金者贈以匾額

劉煥然字文甫金縣庠生順治七年拾銀百兩俄而縣役李通本呼號尋覓不獲係遺失解餉銀兩煥然還之

朱祚長字敬符金縣人三歲喪父祖父母撫之勤學勵志祖國弼任河南河內縣丞卒於任聞訃哭死復甦事祖母純孝會土寇破城欲殺其祖母祚長挺身願代賊感其孝兩釋之順治十四年旌爲順孫

王者佐字公輔金縣舉人家貧好學性孝友父未食不食未寢不寢凡父需用必竭力供奉肄業蘭山書院月必歸省赴京會試病沈旅邸惟以不得父面爲慟尋病愈歸自此不復遠游後竟先父卒卒後目未瞑生平自奉極儉而周卹親友不少吝

周膺武金縣人兄膺東早卒嫂康氏撫遺腹子成立苦節十九年卒未幾子媳相繼亡遺孤治岐幼無依膺武久居定西聞之卽歸

甘肅新通志

卷七十三

人物志 孝義上

七

撫治岐成立入皋蘭學并給己產之半

姚國柱金縣人少妹許字庠生陶巨擘陶家貧且其母王氏苦節年高國柱不時周卹並誠妹以奉母甘旨勿缺

魏學孟金縣人事父兄以孝聞遇荒歉告貸者累貲數千學孟不責償鄉人以德隆任恤贈之

魏 恂字子嚴金縣監生少游陝途中拾黃金數十兩坐道旁候之少頃遺金者倉皇至恂悉數付之生平多善行遇荒嘗出穀數十石分散鄰近數村生子四道光十一年卒送葬者數百人并立德行碑於道左

監生魏登闕金縣人道光二十年大饑民將逃亡登闕力爲勸止出已粟並稱貸他處按戶散給次年春初又假以籽種鄉里無一饑斃者

監生王朝榮金縣人道光十七年歲大饑一條城等處界皋金兩縣之間人情恟恟朝榮出貲購糧按口給散凡十閱月全活男女數百人皋蘭知縣鄭元吉金縣知縣閻慶元給予仁卹可風區武生漢兆龍金縣人道光二十年大饑兆龍出粟賑濟至次年乃止鄰里全活者甚眾

白麟書字聖符金縣人咸豐壬子舉孝廉方正三年歲大饑麟書出麥三十石四年又饑復出麥三十石玉麥二十石五年雨潦又出麥六十石分給籽種平時出貲助貧寒無力婚葬者無算鄉人立德行坊旌之

李應焯字勉齋金縣庠生同治初回亂應焯與眾守紅峴堡嘗出熟麪以濟饑後亂稍平倡眾開水道俾灌溉田畝設帳教讀凡戚族中貧寒子弟來學者應焯悉教誨不受束脩

甘肅新通志

卷七十三

人物志 孝義上

六

周 文字質庵金縣歲貢生官碾伯縣訓導同治兵燹後邑衙署及祠廟悉成灰燼文倡首募化先後告成生平善於排解鄉里頌之教授諸生不計脩脯後卒於任

李巨勳金縣東灘紅灣人兄弟三人同治間回亂其父爲土豪羅五殺傷巨勳欲挺身赴難母止之謂兩弟俱幼俟諸異日巨勳飲泣受教日以復讐爲事亂稍平母欲爲巨勳娶妻巨勳弗肯連年控告至十一年幸讐人治罪巨勳方從母命娶妻明年生一子後羅五以賄賂得脫巨勳與弟嘗礪鋏刃以須光緒元年冬與羅五相遇巨勳與弟擊殺之巨勳赴縣投罪羅五家屬指巨勳與兩弟同下手巨勳獨認罪敲比無二辭縣官某收巨勳並弟應勳於獄幼弟釋放繼因病卒於獄其母亦不食而死巨勳妻張氏時年二十五苦節三十二年撫孤聯桂成立入庠三十一年奉 旨旌表

高錫鈞字平庵金縣一條城貢生署董志原鄉學訓導父鴻儒咸豐癸丑進士禮部主事改官廣西天河縣知縣髮逆亂督團禦之積勞病故城陷髮逆蹂躪已極賊平後錫鈞徒步入廣西泣涕覓父屍訪察殆遍閱數月始得真冢扶櫬歸往返入千餘里歷窮崖絕險幾至死抵里安葬人以孝稱

鄧文孝字希曾金縣豐和里人生有至性膂力過人同治回亂文孝父老且病文孝不忍離六年四月賊至文孝負父逃爲賊追及竟傷其父文孝大罵身受七十餘創而死

牛希玉金縣人農家子不識詩書母早亡其父飲食起居希玉奉養無少俗後父病醫藥不效希玉斷指入藥父卒哀毀骨立人稱其孝

趙樞贊字翼池狄道永在曾孫少事帖括旣而歎曰世家舊勳徒

甘肅新通志

卷七十三

人物志 孝義上

九

事章句何以承先志乎遂棄文就武中康熙丙午武舉吳逆變從靖逆侯張勇開宋家畚糧道督土人攻南安平天水進取四川屢有戰功張勇嘉其績將疏請廕龔贊辭曰龔職長房事也請以予兄之子勇義而許之俾統軍務於溫陵後調抵閩南卒

張經綸狄道人素精醫術與郡人許虎臣爲莫逆交未幾虎臣夫婦俱亡遺孤幼家貧經綸禮葬虎臣憐其孤曰余與虎臣善若子卽余子也收諸家撫育如己出比長令就外傳尋以女妻之傳以醫術與己子平分其產郡人皆高其義

楊一桂字月賓狄道增生康熙十三年吳逆變僞將陷臨洮一桂母曹氏年九十有三一桂負匿於萬壽觀亂兵搜獲問曰爾何爲在此一桂曰有老母在不敢遠離賊皆曰孝子也遂舍之一桂足不履公府會狄道有包荒驛站二累逃亡過半太守許重華召諸

生問安民策一桂以二事剴切直陳知府嘉之據情詳請禁革民始復業知府旌其門曰孝德純摯

康 泰狄道西坪里人性友愛嘗以所置厚產讓其幼弟豫康熙辛巳歲大饑泰出粟賑濟族黨人皆義之

楊澤玉狄道人素不知書其母年九十患目疾飲食動履需人澤玉日奉母食畢始入市貿易凡廁踰垢穢躬自滌濯未嘗委諸家人家不甚饒而性好施後年八十將卒戒其子孫曰衣食須儉省愛惜凡親友困迫不可漠不相關也

董天祐狄道游擊錦之父也素豐於財積錢至數萬悉取以濟貧乏鄉人皆稱義士嘗於除夕行古寺有貧困而將自縊者天祐周活之

劉紹卿字贊之狄道人嘗捐造 文廟兩廡兩祠木主康熙四十

甘肅新通志

卷七十三

人物志 孝義上

三

年郡大饑賑救多人復代贖人已質子女

王大用字特擢狄道庠生事繼母以孝聞設帳授徒貧者卻其束脩又善醫遇貧寒施藥與之子克允增監生曉音律多巧思甘省文廟樂器祭器多允監造關樂志園詩花種竹以琴酒自娛暇時續纂州志稿其義例多可採者

史旌忠字紀節狄道庠生少孤孝事孀母宗族稱之再從弟旌禮孤貧無依忠引與同爨爲之授室分產積五十年未嘗少生罅隙有錫王士美者亦家貧無依授室分產亦如之歲荒嘗煮粥以食飢人全活甚衆涼莊道武某臨洮府許某同旌其門

吳伯裔字次侯狄道增生與弟伯襲相友愛伯裔家貧力學伯襲服賈以贍其兄晨夕不離至於沒齒鄉里以爲難

魏宗諫字言臺狄道歲貢生嘗率郡人修超然臺摺橋及嶽麓山

石徑登者便之後銓略陽訓導以母年九十有六辭不赴

岳含瑛字君儒狄道人年二十四父母俱亡弟含玫方十歲瑛鬻餅度日嘗求助於舅氏舅爲設粥瑛哽咽不下曰弟飢甚舅曰汝獨不飢耶對曰瑛壯可耐弟弱不支舅憐之乃遺古圖書二軸使易粟焉無何玫病篤瑛祝天願以身代玫忽從衾中躍起而愈瑛嘗製一衣以與玫玫以兄亦無衣不肯服次年春再成一衣始俱服之瑛年五十始游泮及其老與玫同月卒

陳六德狄道人娶妻時年十八有弟三人俱幼小父患羸疾懼其不能成立六德跪慰父曰兒已長勿憂也乃以千錢販褐日漸增益養親婚弟裕如也年逾七十無疾而終

吳秉謙字子益狄道人童年入庠非義理之書不讀其性剛直而好施鄉人多敬之嘗有無賴而酗酒者很鬪不可解聞秉謙至惶愧而退其感人類如此

劉維灝字文漪狄道增生性果敏急公雍正十二年具呈縣令劉鶴鳴詳免缺額銀二千餘兩又條陳北鄉水利後通灌者八渠至復學田修州志悉自維灝發之

李煥章字唐文狄道庠生輕財好施每冬月製氈衣數百以與匄者嘗捐數百金典公店一區以資書院膏火臨終屬其子翼林含芬曰吾所捐書院公店特典價耳汝能買而公諸士子吾志乃成二子後如其言乾隆二十八年大學士總督黃某巡撫吳某移文旌其門曰孝義可風署知州富斌旌其二子曰克成父志

劉萬倉字富宇狄道人事繼母以孝聞母嘗病或云食貓豬肉可愈萬倉行獵忽得之病果瘥康熙四十年歲大饑族有賣身及鬻徙者萬倉贖而還之子漢彪能承父志遇凶歲嘗出粟減糶煮粥

以待餓者漢彪子炯復以孝顯父沒廬墓三年乾隆間旌表
田錫齡狄道人府增生少失恃事父克孝父卒哭泣盡哀終喪不
御酒肉好學敦行潛心宋儒之書嘉慶二年公舉孝廉方正以目
疾未赴都著書見藝文目錄

王元英字君愷狄道歲貢生八歲喪父哀毀如成人事兄元臣如
父敬謹無違命幼負文名嘗學詩於同郡吳鎮聞性理於大荔李
維則書法勁道家素貧後兄元臣卒與弟元勳友愛甚篤年近六
十歡慕如孩提生平勤儉自治並著說以教子弟以子鉞貴例贈
武德騎尉

張建璵字少璞狄道歲貢生性好施予每遇凶荒借貸者無不立
給鄉里以是義之著書見藝文目錄

潘性敏狄道增生家貧事父母得歡心父疾爲嘗糞母疾禱於神
甘肅新通志 卷七十三 人物志 孝義上 三
願減己年以延母壽一日母忽曰吾已夢得延壽十年矣果愈又
十年而沒嘗於路拾遺金三十餘兩俟失者還之不受報從子爲
繼母所逐性敏收撫之爲投室置產終不言德道光五年奉旨
旌表壽九十一而卒

陳漢獻狄道人少奇貧遇俗節至不能爲親具一嚮後父歿而家
漸康遂終身不御酒肉學使楊嗣曾手書旌其閭嘗建祖祠修宗
譜周給族之孤貧者卒後家仍蕭然

王元勳字臬思武生元英之弟六歲喪父事母以孝聞兄弟和睦
終身無間言性好施與凡宗族戚友有貧乏及無力婚葬者悉周
助之

王鉞字左田元英子嘉慶己卯武舉庚辰揀選衛守備以親老
不遠出絕意仕進四世同居前後八十餘年後以人眾折產鉞與

兄謀提田產十分之二作先祖祭祀需用有餘則分贍族中子弟之貧不能讀以及婚喪無力者

張建瑤字西池狄道太學生父早卒孝事母母卒哀毀踰禮既葬廬墓甫三月卒

潘清溪狄道歲貢生善屬文性孝友父病清溪嘗糞以驗事 聞旌表

蕭聲和字遠聞狄道八品壽官孝親無違性澹泊好讀書尤善詩常濟貧乏

王 錫字膺三狄道人咸豐元年 制科孝廉方正事叔父如父處兄弟相友愛尤好施予郡城創辦義學時錫倡捐市麥一百石知州某旌其門曰義行可嘉

張維藩字价人狄道歲貢生建秘之孫有學行好善舉道光二年

甘肅新通志

卷七十三

人物志 孝義上

三

與李遇春協力捐募重修 文廟

張友南字容若狄道庠生善書能文事母孝教子有方鄉里中有貧不能婚葬者友南則量力周恤之每歲冬嘗備棉衣百餘件至夜深率子弟攜衣至街頭見有裸體露宿者卽予之

王守勳狄道庠生家素裕好施濟家中常儲衣服藥物錢穀等件遇貧寒疾病者登其門輒給之不少吝往見衙前囚多菜色因購餅以與之生平多隱德人常感佩

張學禮狄道人同治回亂其叔父被賊縛樹拷掠什物學禮向賊哀求乞以身代賊並殺之

馬守文字蔚如狄道從九同治回亂與其兄守武嫂桑氏扶母逃難遇賊傷兄嫂守文獨負母逃至北鄉賈家溝樊家嶺出賃集眾於山崖鑿洞聚眾保守居者五百餘人歷二年悉免於難後又率

眾逃至秦州牡丹園復出貲修堡並作木礮以嚇賊堡賴以全其
母壽至九十而卒

王希學狄道人性至孝同治回亂與其弟希年負母逃至岷州作
生理以養親後旋里取人積欠帳簿悉焚之子昶濬舉人

任福顯狄道人向與任福義典質鋪司帳目同治二年正月二十
七日夜聞賊將至鋪眾皆逃竄他所福顯以車運鋪中銀千餘兩
錢數十貫及帳簿於己家藏之窖中二十八日福義遇害鋪房被
焚後數日福顯將代藏鋪中錢物簿具向福義妻子運交清楚人
咸義之

趙文德狄道人有學行母病親滌溺器人以孝稱後以布衣設帳
門下多所成就人嘗呼五先生而不名

劉 孝字順臣狄道監生性至孝幼孤力田奉事孀母甘旨無缺
甘肅新通志 卷七十三 人物志 孝義上 一

同治癸亥之亂負母逃至階州奉養一如在家至老常率孫嬉戲
一堂以博母歡遇地方各善舉竭力助之族黨中有貧不能婚葬
者皆助以成其事母年九十三卒哀毀踰禮人咸稱之
李根忠狄道人輕財好義光緒乙未之變鞏昌運糧令挨戶出丁
根忠商諸同夥出車四百乘轉運軍糈以故鞏民不擾又從鞏運
來雜糧十餘石以濟鄉里之貧乏者先後捐貲修阿干鎮渭源慶
平甯遠深溝趙家垠高橋各橋梁以利行人並於慶平橋畔修官
棧兩所以所取房租作補橋之資總督崧蕃賞給五品頂戴並樂
善可風匾額以旌其門

孫好成狄道人性至孝父母溺器必親自滌濯父卒事母尤謹同
治回亂乞丐得食輒以供母後歿成哀毀卒

陳志傑狄道鄉飲看賓爲人公直性好施濟兩修城南九巔橋以

利行人家法嚴肅儉約鄉里尊重

杜董安狄道人初名杜安同治回亂時年方十歲被賊戕傷逃至番子坪地方遇董嫗救護得不死嫗無子而杜族又逼安還宗安謂董母年高無依願乞終養因更名杜董安仍以一子承董祀魏國才狄道人家貧有田數畝與其從兄國旺分爨已久及國旺卒遺子三一啞一瞽一幼小國才皆收養之後瞽者啞者皆授室幼小者亦成立鄉人義之

劉文煥狄道人居近路旁子亭山出拾白金百兩歸獻文煥文煥揭帖以待尋有陝商某倉皇尋至詢明數目悉以給付陝商遂製拾金不昧匾額表其門

喬應春狄道監生性樸誠恤孤憐貧多義行人有借貸無力還者招其人出券焚之

甘肅新通志

卷七十三

人物志

孝義上

三

李貴字和卿狄道人幼遭喪亂家赤貧作工養親同治回亂負父入城後城陷復提襆負父竄伏亂屍中幸得免其母卒與其繼祖母司均於貴負父入城時投河殉難貴孝事繼母有甯遠王姓領貴資本銀二百兩夥作生理後王死其妻昧其資本貴置不問子鏡清以拔貢官四川知縣貴常誠以清慎勤鏡清治戎貴又誠以無擾民卒年七十 贈光祿大夫葬之日執紼者甚眾鏡清歷保道員

陳大昌字子明狄道人由武生歷保把總同治回變與其兄大章攜眷遠逃得免於難後兄卒事嫂甚恭嫂歿祭葬以禮拯貧濟困鄉里盛稱無子以兄之子希世兼祧常教以讀書敦行希世以辛丑補行庚子併科舉人就職直州同分發四川

趙效孔字卓如狄道歲貢生性孝友同治回亂奉母偕弟避居蘭

州父登選殉難效孔哀毀骨立後委權安西學正以母疾辭不赴任狄道廩額向只二十石效孔集同人援例請增總督左宗棠奏請准加十石狄回牟佛諦修復城東故宅效孔復集眾請於大府事遂寢光緒乙未回叛效孔與河州歲貢王子英備陳逆回猖獗情狀函致京朝達官不久遂有提督董福祥督辦軍務之命平時疏財仗義人尤稱之卒年五十一

喬漢儒渭源庠生家貧父早亡母侯氏苦節撫育儒躬耕侍養誠敬不衰母歿儒膝行搬土成墳廬墓三年

崔琪渭源諸生從祖岱鄉試中途得疾甚劇琪取糞嘗之告醫以味苦可治醫感其孝盡心療治而愈後祖卒父拱辰亦相繼亡琪廬墓三年乾隆七年奉旨旌表

侯明弼渭源監生性好施予乾隆三十八年邑大饑明弼捐粟三百餘石以助官粥四十五年小南川遭冰雹佃戶積逋甚多遂焚其券邑令某以古道是敦表其閭

葉聯科靖遠衛人貧無以爲生母病久不起夜半嚶語曰梁上縣肉可煮以啖我聯科度無財終不能得肉是夜割左股肉煮以食後二日母面忽紅色病漸愈人以爲至孝所感云

任宰字尙志靖遠人雍正六年行賈涼州夜宿旅邸晨起見槽底有布囊貯銀二百餘兩知爲同宿者所遺因留候之次日遺金者倉皇而來詢其數符卽付與之

郭彥聖字大化靖遠人雍正間荒疫並作死者載道彥聖躬率僕夫收瘞三年不輟鄉閭稱之又冇路生斌者乾隆三十一年連歲荒疫亦募人收掩葶骼又乾隆初年河水泛漲近河墳墓將圯邑人劉浩房丕耀許臣趙世範競出貲財遷移義冢數十所鄉人稱

道焉

吳元孝靖遠人家貧一日偶見道有小包拆視之乃黃金一兩九錢候至晚不見有覓者次日潛至南街布店見失金者與店客相爭元孝詢其故果所拾物罄數還付衆論稱之

倪正宗靖遠人乾隆二十三年連歲大荒出粟以食餓者蘭州府增福旌其閭

張問仁字子未靖遠太學生性至孝執親喪哭至嘔血好善樂施乾隆三十年歲饑出粟煮粥所居大廬塘之民賴以活者甚眾王守官陳琦黃元俱靖遠人守官蚤喪父母事祖父寶十餘年孝養備至祖歿哀毀廬墓三年琦母蚤卒事父良善盡孝家貧竭力以供甘旨父歿廬墓終身叔良謀蚤亡撫其子玠成立友愛無間元監生父靈運病篤侍奉不懈夜焚香禱天祈以身代父病旋愈

甘肅新通志

卷七十三

人物志

孝義上

七

事繼母如所生俱於嘉慶閒題請 旌表

馮 禧字景福靖遠人甘貧好學孝親愛弟雅重友誼與金城彭幸庵友善乃賦愛日軒在都門有蘆溝別意冊執喪盡禮或勸之仕曰吾之苦學爲不負吾親今親逝矣仕何爲因遁迹不出

路屆遠字文石靖遠人幼孤母陳氏撫之成立文石曲盡子道

吳成德河州鄉賢積五世孫也初喪父哀毀骨立葬之日卽廬墓焉母念風霜溽暑慰令入家以母故朝侍慈帷夜宿墓廬周一年始歸後十年母沒哀毀一如喪父旣葬廬墓三年酒肉未嘗入口車萬庫河州車家嘴人事繼母以孝聞朝夕茶湯必親捧衣褥床席必時其涼燠果實蔬菜母未嘗不敢入口侍母未嘗離左右每濁醪供母猶持鼗鼓歌番調作羌人舞以爲懽笑

魯統先河州人事親至孝道光閒 旌表

徐自清字冰如河州人性仁孝遭亂顛沛百計奉母雖艱窘不使
母知亂平爲州刑掾或有事不得歸必市甘旨遺母母歿寢苦枕
塊者百餘日凡以訟事株連者必力爲之解童試嘗冠軍因亂廢
棄厥後惟以讀書砥行爲務著有生平紀略子紹烈副貢生

車 昭河州人父仲矩庭訓嚴值怒長跪請杖母病躬親扶持久
而不怠叔父仲式客新疆昭奉父命萬里省視後仲式病歿昭又
赴新疆迎柩路遇甯夏白某偕行白渡河溺死昭收其骨攜以歸
同治回亂家中什物被賊掘盡惟豆姓所寄金爐在昭送還之子
孫迄今昌盛

楊世基河州人幼稟庭訓言動不苟家貧廢學服賈養親甘旨未
嘗少缺及家道充裕一錢不入私橐同室二十餘口無閒言有假
貸者未嘗取息年二十七遽卒子清舉人

甘肅新通志

卷七十三

人物志 孝義上

三

陳汝弼字夢符河州人父病篤旦夕焚香祈以身代躬湯藥衣不
解帶者累月父卒哀毀骨立遇親族鄰里無力婚葬者每資給之
子潤副貢生

馬尙鼇河州馬浴川人俗頗漓惟鼇以孝聞在親側無疾言遽色
親所嗜者必市而躬進之親卒哀毀逾禮鄉里稱焉

善佩珩河州庠生同治間負母避難會城採樵以爲養或勸遠出
營生珩曰離母他適母心悲矣計不如依膝之爲樂也及歸里母
嬰疾二載餘珩左右侍母卒茹素三年服闋應試州府皆冠軍入
庠後設帳授徒舉人李茁出其門

袁海珍河州人制行端方目不知書而性極孝每遠出必諄諄囑
妻體母志妻亦順承無違人並稱之

馬騰雲河州人幼喪父竭力奉母凡事必稟命而行母有疾朝夕

奉侍不怠母年九十沒騰雲哀毀幾絕

何二仁保河州人同治初負母避難乞食以爲養母歿鄉人憐其孝爲助葬焉

陳際豐河州人父早亡事母至孝同治閒賊計陷其堡際豐方引船聞母被害抱石投河死

羅何保存河州人負母避難羅家洞洞忽崩壓母斃何保存適外出聞之號慟慘切竟投河死

劉佩靈河州增生同治初回亂負母入山避難飢不得食復還里賊至母命之逃佩靈戀母不忍去母子俱被害

張玉財河州南鄉人親沒每食必薦行年七十猶思親涕泣如孺子然

胥義則河州人賊欲殺其父義則抱父乞以身代賊並殺之

甘肅新通志

卷七十三

人物志 孝義上

三

王仲國河州人賊陷何家堡恐傷母以金僞降乘閒竊負而逃由北川繞道赴西番卒全其母亂平仍負母歸里

王海珠河州北鄉木工回變負母赴貴德西番有高僧見之以爲孝厚遇之

馬 祿河州東鄉人千總幼嗣叔父嗣父將卒遺言鄉鄰所負債悉不必責還祿卽遵命焚券年六十餘每念及親猶流涕云

趙 忠河州人同治閒回亂奉父入番侍養未嘗少離後歸里父子俱享大年

楊春華字子實河州東鄉庠生父喪仆地而甦者數次及葬廬墓百日由是得痼疾母病躬侍湯藥目不交睫者七晝夜母病愈而華病作遂卒

穆榮福河州人五歲喪父及長事祖父母及寡母以孝聞祖父年

六十二失明八十五而卒榮福負以出入者二十年

陳他里卜河州人遺腹生生母再醮鞠於伯母他里卜事伯母孝謹凡事稟命而行伯母壽至九十而孺慕弗衰

閻福海河州東鄉人髫齡時卽能伺父母意無或忤及長率而弗改父母怒委曲承順得歡而後已

朱思仁河州人少孤事母孝同治三年賊掠其村與弟思義負母逃賊追及之思仁故習技擊呼曰弟負母逃吾禦諸隘不然俱死矣遂據險用矛連斃七賊矛折遇害思義竟以母免

蕭本性河州北鄉人性孝友凡食物親未嘗不敢入口雖當盛怒親有命則笑容答之光緒乙未回變領團勇百人擊賊陣亡

平涼府

宋聶從志華亭儒醫也有隱德享高壽一子登科孫圖南紹興中爲

漢中雜縣丞

明桑 桂平涼人成化間舉人授大名府通判廉靜好古重風教酌定禮宜鄉人踵行初母宋氏疾篤籲天割股疾愈後在京師父卒於家終身悲號追思想像以祀之人咸稱其孝

侯 政平涼人監生母病危晝夜禱天祈以身代割股和藥以進母疾尋愈後任濟陽知縣聞母喪悲號不食而卒

張四思華亭人家有蓄貲喜施與不責其報萬厯中歲饑民多殍四思出粟五百石賑之全活甚眾事聞旌其閭曰尙義

薛 湘華亭人天性至孝母沒廬墓三年又有王湘者亦共稱爲孝子云

甘肅新通志

卷七十三

人物志 孝義上

三

朱氏二孫平涼人失其名年甫垂髻往莊取租兄爲賊所獲弟已潛匿聞賊欲殺兄卽挺身出求以己代兄死兄亟麾弟去語賊曰願殺我請釋弟兄弟爭死不已賊並殺之

石德贊華亭人萬厯間貢生任夏縣少尹持躬清勤以義自律一監生有冤獄賂三百金求伸德贊廉得其情卻其饋立爲直之居家歲饑募貲煮粥所活者眾

萬邦甯字楨幹靜甯人家貧力學父早逝母孀居邦甯奉養竭力母病求醫藥哀號動人及卒廬墓三年

王朝貢靜甯阜民坊人家貧力學爲郡諸生父早卒母章氏有疾朝貢禱於神願減算以代未愈旣而割股以進母疾立痊孝行丕著通庠公舉辭不受鄉黨愈服其純德

高 位靜甯人親疾祝於天割股以進疾尋愈及卒廬墓三年後

經旌表鄉黨稱爲高孝子

陳篤字汝志靜甯人萬厯閒貢生歷任鞏昌階州學正母病痿篤左右善事母逝破產營葬手植松檜廬墓三年

董魯隆德廩生母李氏病危昏憤七日魯顛天割股和藥以進母病隨愈壽登九十人以爲孝感所致

柳之可莊浪諸生爲人仗義好施萬厯十五年大荒鄰里族人待以舉火者千餘家又煮粥賑飢活人甚眾殆有范文正之風四十五年詔凡庠中有德壽者賜冠帶之可授七品服色靜甯州牧裴廷紳匾其門曰荷恩儒官子捷芳傳見羣材

王秉衡字初暘平涼人萬厯丙午舉人仕至河間府同知性孝友嫂性嚴每怒詈令其妻跪受之兄死遺子四人皆撫訓爲諸生以已產分諸姪與子適均遇諸族人及內外親無不篤厚遇賢士必

甘肅新通志

卷七十三

人物志 孝義上

三

敬禮聞人有過正言責讓一時鄉里士人咸敬憚之

郃藩周莊浪歲貢授隴州司訓陞咸陽教諭補隴州學正爲人長厚有古風任咸陽時里有不舉火哭窮途者告之周不計有無拮据以應及歸親鄰皆出迎嗣再往隴州學餞者遮道

張金榜字耀吾平涼人性剛直側儻尙義氣聞人有不平事輒挺身出爲直之不避權勢以歲貢授商州訓導州士數爲強豪侵虐金榜至集諸生訓以恪守學規毋干紀敗度及預外事苟有非意之侮吾爲爾任無何王生某有田數十畝巨室欲之密屬州判困生生以田遺巨室求解金榜聞之力辭官判與巨室俱詣學謝讓以大義遂不奪生田李自成初陷商南殺官屠城監司檄金榜署縣事金榜掩死骨招遺民厚爲撫恤請蠲田租三年舊例蠲租不蠲徭徭爲縣費金榜一切貸之遷甯州學正歸

李 楹隆德人性至孝家貧鬻薪奉母供饋晨昏必繼楹有三子
食常不給楹慮母念之每飯輒託事呼子他出崇禎庚辰歲大饑
楹三子與妻俱餓死母獨得全

董 俊隆德人與弟任並至孝俊以貢生授温州府訓導歸家遭
母喪未及葬而賊陷隆德入城橫肆殺戮人競奔匿俊與任環柩
號泣獨不肯去賊哀之不忍加害初母病時任偶在外不知母病
人有自其家至者語之任卽馳歸時已晚而六盤山多虎狼莫敢
夜行者眾咸阻之弗聽半夜隻身踰山手無寸鐵終無害蓋其孝
之出於至性也任亦崇禎閒貢士

王基鞏莊浪貢生與兄諸生基厚善事母崇禎十三年大饑體母
志養甥石補天兄弟又兄厚患腿疾鞏連牀服事廢寢食者數月
且家貲不分邑稱孝友

甘肅新通志

卷七十三

人物志 孝義士

三

朱 勇平涼羣牧所千戶五世同居當道旌表其門

國朝潘 瑀華亭人幼家貧傭工養親卽能先意承志事繼母愛諸弟
以孝友聞同治回亂擄負親逃難採薇供養備嘗艱苦事平偕諸
弟歸里婚娶成立

王宗鶴字聞天靜甯人順治四年貢生性孝友鶴祖遺少子有真
鶴叔父也方數齡祖沒飲食教誨鶴必篤敬有真學於鶴每復書
鶴必立聽不敢坐有佳餚必問有真嘗否然後舉至成人無間性
不與物競家亡驢一日馱布入門家人欲執之鶴不可曰是將爲
布商累也通庠舉優行學使欲旌之鶴固辭曰是將形劣者短也
終身不入城市齒德兼優

夏尙文靜甯州寶人也康熙五十五年正月申拾白金一十二兩
不告妻子坐待原主還之其人分金酬謝尙文分文不受州牧黃

匾曰義重還金

高永昶字麗瞻靜甯人乾隆癸卯舉於鄉大挑一等以知縣分發廣東補用時父年七十告終養朝夕事奉未嘗少懈事母亦然終養事畢遂往廣東見藩司廣某廣某問其養親始末深加歎賞卽日委署徐聞縣事在任八月卒

江 瑄字獻璧靜甯通化街人幼穎異性至孝終身孺慕先意承志不僅口體之奉自幼侍親側雖命之坐亦不坐父母卒哀毀骨立殯葬必盡禮廬墓三年後每逢忌日輒流涕不忘孝行之稱內外無閒肄業國子監正詣堂緇閱羣書博通經史乾隆中公舉孝廉方正

方延祥字瑞庵靜甯威戎鎮監生勤儉樸實以忠厚傳家每遇歲歉輒發粟數十石賑濟貧民子孫世守家法

甘肅新通志

卷七十三

人物志

孝義上

三

李蟾桂字雲香靜甯人嘉慶丁卯歲貢重本親族濟難恤貧卒年七十二闔族感其德爲繪像祀焉

劉伯鷗字小航靜甯人中嘉慶癸酉副貢辛巳舉人父疾日侍湯藥夜則延名人談論古今史事以慰之供立牀下徹夜不知寒後事母孝養備至歷主講風臺阮陵柳湖亦樂鳴沙羅川等書院衡品論文以端凝切實爲先成就多知名士大挑訓導陞慶陽府教授仍以實行策勵士旣歸里舉鄉飲子覲穆由舉人知山東陽穀縣事

方紹程靜甯人明忠臣方孝孺之裔因避亂至威戎鎮遂家焉道光甲申大饑餓殍盈途紹程發粟四百餘石賑濟災黎所活者不可勝數城郭寺廟間有圯壞紹程仗義興修不少吝

馬 珩字楚珍靜甯人生逾歲父遠游稍長問父所在母告以故

卽大慟時家極貧珩事祖父母及母皆至孝隻身出關覓父遇於迪化州泣請歸里父暮年多病珩侍湯藥不懈及沒廬墓三年母沒亦如之

王三錫字師古靜甯人廩生家貧好學事親甘旨無缺得其歡心有請爲幕賓者以祖與父年高力辭闔學公舉孝子三錫曰孝道無窮吾區區奉養敢言孝乎辭不受鄉黨服其肫誠子汝舟道光辛巳 恩科舉人

張恆德靜甯人善事親凡事務悅親心不徒能奉養父嘗好博必委曲承順有輸卽償家貧必使父手嘗有餘貲以資遊玩當隆冬嚴寒恐貲寒不便攜帶必預爲之暖如此者數十年及父卒哀慟號泣如孺子然

李迎春靜甯人母早逝奉父晨昏久而無閒父有瘋疾不時加以

甘肅新通志

卷七十三

人物志

孝義上

三

鞭扑迎春忍痛聽受必使親如願而止且因時承順以安親志及卒哀毀幾不欲生一切殯葬之事悉如禮制

張士選靜甯人庠生就塾時拾遺金於道數一百有零卽對人明言越數日客訪到家士選開至再三客對與所拾銀數一一不差遂如數還之客感其德縣拾金不昧匾額以昭其義

王應鳳字桐舫靜甯人工書善畫屢試不售遂隱居於鎮之南坪非人不交非義不爲有隱君子之遺風焉尋里人以義士舉司教者榜其閭曰孝友

鮑汝桂字森章靜甯廩生性孝友母寢疾汝桂侍奉湯藥夙夜匪懈母卒汝桂哀毀骨立幾不欲生廬墓三年服闋前夕夢母言曰祇須勤以體道躬行孝弟不必別爲求奇卒年六十七

吳正炳字勉旃靜甯威戎鎮人咸豐戊午舉於鄉己未成進士同

治壬戌補殿試以知縣卽用簽分湖南回籍措資旋丁親憂愁痛
幽思閉門不復出服闋後匿迹山林惟以耕讀爲業厯主阿陽柳
湖書院講席性慤直學行並優

王汝藩字价人靜甯廩生與兄汝舟同以孝友著工詩文善琴精
岐黃治久病證皆驗伯兄患怔忡病至危急汝藩跪禱城隍祈滅
已算添兄壽疾果愈著書見藝文目錄

萬言矩字履則靜甯人事親孝道光甲申歲大饑言矩發私粟數
百石賑濟全活甚眾

萬 璽字爽山靜甯歲貢回亂人乏食璽傾囊賑濟鄉人感之

馬尙德靜甯監生同治逆回亂倡義助饗守城人謂公而忘家云
辛 桂靜甯人爲本營千總同治初逆回始亂桂日夜巡城不遑
暇食衣不解帶者數月以功委署隆德營千總

甘肅新通志

卷七十三

人物志 孝義上

三

張 瑄字玉堂靜甯州增生性廉靜少言寡欲教子姪以義方處
已接物不事浮夸咸豐初公舉孝廉方正瑄固辭曰是非己所能
堪也強之再三終不應同治閒逆回擾亂又逢饑饉瑄出財穀從
容周濟族黨親鄰全活甚眾卒年六十九子善繼光緒己卯武舉
孫耀祖字怡齋靜甯人性孝友好讀書兼通內典喪妻不再娶同
治戊辰有匪目率眾憑城人情惶恐耀祖仗義排解得免年逾九
十以灌園終其身子三燼廩生所武生孫雲錦戊戌進士
李岐瞻字肇西靜甯諸生肄業成均考授州判以親老不任子樅
字明庵增生家有窖金八百兄弟分財時金數忽短二百樅曰是
我取用願勿分股後乃知爲傭者竊去樅實以此解爭也
楊 价字子藩靜甯監生同治三年逆回倡亂兵勇乏饗以五千
金助之曹軍門克忠開保舉价堅辭不受

張書田字種之靜甯優增生性孝友以親老棄舉業經理家務尙勤儉待人和厚村民貧戶甚多書田將所有田地除自種外餘俱令貧戶耕種俾足日用交租聽其自便並出貲置義墳義塾邑有義舉皆仗助無少吝值歲饑己粟無餘貸他人粟賑濟之全活甚眾凡鄉村有力之家因仿而行之

王訪士字升齋靜甯南鄉人剛直好義嘗焚券紫荆山壯年喪妻不再娶又好放生嘗買魚數千條送大澤中年八十餘無疾而終柳映池靜甯人性孝友母嘗患瘡不能寢以身翼坐者四十餘日夜乃獲痊母既歿墓去家二里餘映池傷父母之兩孤也乃請於父夜宿墓廬旦則返家而侍焉居平跬步不苟昆弟之間怡怡如也鄉人稱之

劉文幟字樹堂靜甯南鄉增生性至孝父歿事母益謹朝夕侍側

至滌溺器凡蔬果非薦新奉母不入口母疾湯藥必親嘗衣不解帶者數月及歿喪葬盡禮廬墓三年

李昇元靜甯南鄉人監生嗣父茂待之嚴昇元積誠孝感終致底豫子增貢生采芳親歿廬墓訓幼弟建勳入府學庠生一門孝友見稱里黨

萬嗣藩靜甯富族也世居州南鄉同治初提督曹克忠討逆回至靜嗣蕃助銀一萬兩克忠具奏 賞加道員銜

王攀桂字蟾宮靜甯南鄉人夙明大義值歲凶偕眾貸穀薛氏得數十石按數分給後眾不能償攀桂傾產完債及年豐眾還債於攀桂辭弗受鄉人至今義之

朱際棠靜甯南鄉富族也同治五年曹克忠陶茂林兩提督剿賊至靜甯軍餉不繼際棠助銀二萬兩事 聞朝廷嘉其忠義 賞

戴花翎並加道員銜

高 旭靜甯貢生同治初避賊梁家堡適值外出親被圍旭聞之冒險入堡負父逃去全堡皆遇害生平問寢視膳無缺禮父歿廬墓三年遇新物卽念及父悲不忍食凡社會飲宴之事悉屏絕弗與子乃聽邑廩生

連 豐隆德人鄉飲耆賓好義樂施咸豐十一年大旱荒鄉民乏食者十餘村豐出積粟救飢全活甚衆人爲立碑誌之

李丕烈隆德耆民幼失怙蒙母戴氏撫育成立爲人好義樂施每邑中有義舉必竭力攸助同治回亂避居堡者皆乏糧丕烈出積粟救飢全活不可勝數年八十卒至今人猶思念之

李向榮隆德庠生博學能文讓徒品學並重門下入庠食餼者甚多回亂眾避入堡外來貧戶居食無所依向榮爲葺屋給粟眾賴以安借券均卽焚毀子來東修東均入庠

甘肅新通志

卷七十三

人物志

孝義上

三

張 侯字亞公優廩生隆德沙塘鋪人性仁慈樂善好施親族多賴以沾潤有義舉無不攸助歲歉鄰莊困乏者爲計口授食給籽種同治時逆回叛亂知縣李超羣招團防守先後捐麥六百石制錢六百緡

張慎修隆德人忠節聚秀子光緒庚辰歲貢性謹飭篤於孝友同治五年邑城陷父殉難與兄璧偕逃汧隴在顛沛中能竭力以事兄晚年講學於家以敦品爲先邑諸生多出其門卒年六十五杜昌楷莊浪貢生父早逝楷尙幼竭力事母王氏順治四年三月賊假兵突寇邑城楷捐妻子負母逃遇賊求代母死賊憫俱釋之十一年七月母病篤楷夜禱城隍請以身代病卽瘳嗣母復病楷承侍不懈及終齊蔬飭粥遵母遺訓誦地藏經千卷

楊復振莊浪庠生仗義好施康熙庚子歲荒出家糴五百餘石濟之病危命其子焚舊借券幾千緡知縣胡某旌其賢雍正乙丑歲又饑其子國楹繼承先志復與鄉鄰借給百十餘石並焚其券知縣王某匾其門曰市義可風乾隆三年將舉明經忽卒子孫簪纓不絕

楊遇清莊浪人光緒初年歲貢累世好善名公多題其門遇清繼承先志恆以孝弟忠信自勵

王 沼莊浪附生舉孝廉方正仗義疏財每遇荒歉輒出粟賑貸遠近貧民多被其澤道光二十四年歲大饑餓殍盈野沼請放義倉粟散發普賑民困得蘇又與貧民散錢三月貧民無力償者慨然卽焚其券又嘗補修橋路利濟行人義行甚多至今嘖嘖人口杜鳳義莊浪庠生幼失怙恃嘗謂弟增生元京曰吾家耕讀世傳甘肅新通志

卷七十三

人物志 孝義上

三

爾欲繼先業耕讀不可偏廢於是晝力田夜誦讀交相勉勵故兄弟相繼入庠居家恭儉尤好義行族中有貧不能婚葬窮不能赴試者輒助資以成其事鄉鄰至今稱道之

涇州直隸州

隋梁彥光字修之安定烏氏人七歲父顯周疾篤醫云餌紫英石可愈彥光憂悴慮不可得忽於園中見一物持歸卽紫石也人以為孝感所致

明劉煜鎮原人性至孝父疾侍養左右湯藥親嘗數年略無怠色及父歿哀毀踰禮時煜為四品官上言辭祿廬墓朝廷感其孝特詔陞嘉議大夫

常經鎮原庠生以孝稱於鄉親有疾侍湯藥衣不解帶者四年及卒依喪次讀禮終制未嘗出戶庭入私室嘉靖時旌其孝

蒲政崇信縣學生孝友純篤親沒廬墓三年生平足不履公門口無擇言追蹤古純儒

雍朝相涇州人家貧事母孝盡力供菽水之歡母疾久朝相割肉和羹進食而愈後母沒守墓三年不茹葷酒歲時追慕哀痛聞者悲之

甘肅新通志

卷七十三

人物志 孝義上

罕

閻漳涇州人好古力學博通經史累舉不第以貢入太學家居貧甚事親內外稱孝父中憲歿三年不入私室母疾衣不解帶朝夕親嘗湯藥母雖無疾每夜必數起赴寢室外察氣平息年踰六十敦行不怠

劉芳靈臺人父母合葬廬墓三年披髮頂土赤足膝行填其墓

冢
王化靈臺庠生素以孝聞父染重疾化嘗糞割股父病卽愈後父卒母哭失明化籲天號泣舌舐復明及母歿與父合葬廬墓六年化朝夕饋食愛弟讓產與之博施粟布以濟飢寒給藥調病捨棺殮骨人稱關西孝子

姚謹獨靈臺人爲人敦厚敬慎有古君子風事親竭力承歡友於兄弟產業盡讓其弟生平好善樂施人稱爲孝子義士

張企仁靈臺廩生葬親廬墓三年妻亡終不更娶以孝義旌表
任光耀涇州庠生事繼母以孝聞學道孫某旌表其門

左 旋涇州人性孝友爲府掾奉孀母盡禮兄轉早卒遺二子愛踰己子祖業盡以遺之與二弟友愛無間撫弟姪成立涇人推其孝友後官遼陽經歷遷雅州判郡守范岡旌其門祀忠孝祠

張良金鎮原人山海衛教授有孝行親歿廬墓當道上聞旌表

丁甸景樂王重福張廷弼閩朝義俱涇州人萬曆十年大饑尙義輸粟加冠帶不就甸粟二百石樂二百石重福六百石廷弼二百石朝義二百石當道旌其義行

國朝李必智涇州人佾生奉母孝母歿家貧躬自負土成墳廬墓三年

甘肅新通志

卷七十三

人物志

孝義上

聖

時深悲慕復教養其弟必芳成立入學已奉 旨旌表

閩閩誠涇州庠生周歲失怙事繼母以孝聞繼母偶有小疾寢不解衣每焚香祝天願以身代歿後廬墓三年哀思彌篤後奉 旨旌表

李登第字元音涇州庠生早失怙孝事母歷六十餘年如一日食必先嘗寢則溫被冬夜必數往母寢處伺其煖否屑生辰必進甘旨已則疏食族黨稱其孝

完顏瀛涇州人同治七年大饑奉其父就食鳳翔後歸父病瀛負以行至靈臺縣屬之三里原忽前途火光突起知有賊未敢進路側二里許有堡負父往投堡人拒不納瀛長跪哀懇請緹其父上城已寄宿堡門外堡人許之天明賊去附近各村堡悉被掠此堡獨存堡人謂瀛孝感所致遂贈餅餌川資以歸奉父終身後瀛連

舉五子

楊鶴字緱山涇州歲貢友愛少弟撫育課讀鶴繼妻某性悍虐遇鶴弟鶯鶯益恭謹某氏屢嗾鶴使析爨鶴爲製兄弟鑑戲文時爲諷誦氏遂改悔未幾某氏病亡鶯亦喪偶兄弟鰥居鶴性豪鶯事之甚恭每食鶴不食則不舉箸鄉里以友于稱

任扶涇州人少赤貧中年致富樂善好施郡城內書院城隍廟王母宮通濟橋各捐制錢五百緡鄉里有無力婚葬者恆仗助不少吝

趙德選涇州人樂善好施同治回變堡中有乏食者量爲伙助六年堡陷僅德選一家免於難

張純甫字餘軒涇州武生性好施郡城城隍廟觀音堂王母宮崦嵫山共捐錢一千五百餘緡遇有無力營葬者施棺木共計百餘

甘肅新通志

卷七十三

人物志 孝義上

望

具光緒二十六年大饑餓莩盈野又購席雇人掩埋人咸德之年七十七終一時送殯并致祭道旁者絡繹不絕

王兆朋涇州人性孝友好施予賑恤貧民不少吝鄉里有爭競者爲之排解三十餘年人無興訟

關巒崇信人順治間增生四歲失恃繼母貴氏不慈巒年七歲父教之讀論語至其爲人也孝弟章問如何始爲孝弟父以古之能孝能弟者引喻解釋巒欣然聽受自此遇繼母杖責則長跪順受後繼母感悟待如己出父沒悲痛逾禮繼母病巒親侍湯藥夜不解帶既卒葬祭一準乎禮廬墓三年邑人稱爲關孝子立石坊以旌之

王爾公崇信人康熙間生員孝友性成幼時父教之讀孝經卽求逐句解釋父沒悲痛泣血三年事母孝友愛弟母病欲食薺菜時

隆冬徧覓弗得或謂鳳翔溫水河邊有薺但往返七百餘里得之恐無及爾公曰吾試卜之卜之吉遂星夜赴鳳翔果於溫水河邊采得之往返不踰五日以菜作羹進母食之病尋愈母壽至八十餘無疾而終既葬負土築冢廬於墓側有一白狼時卧墓旁爾公見之亦不長踰年秋大雨一夜河水暴漲近河廬舍漂沒數冢爾公祖墳距河伊邇人爲之危明日視之見爾公祖塋之左亦若舊有深壑俾水得以就下而南去者廬墓均無恙人以爲孝能感神已蒙 旌表

李賢甯宗信人道光十八年歲大饑賢甯固貧寒以苜蓿十餘畝濟其鄉人先是十五年賢甯大麥將熟刈束露積夜半有盜麥者賢甯見之知其貧付數捆其人叩謝負麥而去

趙良珍崇信人貢生孝敬誠篤凡父母溺器褻服污穢必親手浣滌之數年不懈後父卒悲泣杖而後起

張傳香鎮原人增生少失恃哀毀致疾幾至滅性事繼母色養內外無間言順治七年邑令李陞以孝行聞於學使旌獎

張 傳香之孫少有至性父述轅官武威教授卒於任惺惺匍號泣扶喪奉母以歸母偶目疾惺以舌舐晨夕無間積數月復明慕 典鎮原人由監生報捐都司性至孝自束髮受書事父與繼母皆能得其歡心父性好施予典遵遺訓歲荒出粟賑貸

張炳英鎮原人庠生母有疾英度不起祝神願以身代母病尋愈後母沒廬墓三年

張 智鎮原人監生孝事繼母人無間言父性好施與智善繼父志乾隆末歲饑出粟賑戚里有感謝者輒曰此先嚴意也

慕聖志鎮原人由武舉供差兵部聞父疾馳歸侍湯藥兩閱月朝

夕無閒父疾愈不復出外事繼母如事所生鄉人稱之
于燦然靈臺人性至孝父母蚤喪事祖父母奉養竭力祖父母耄
年每偕幼孫嬉戲膝下以娛其心歲遇奇荒出貲粟以周族里全
活甚眾長子凌霄舉人次三四子俱入邑庠

楊彥偉字俊卿靈臺人嘉慶閒啟事廳生有至性事親以孝聞親
歿廬墓三年墓前柏樹枯而復活人以爲孝感所致同治元年陝
西回亂彥偉出貲預修堡寨以衛民難賊圍攻未破保全甚眾
白元皓靈臺貢生事父孝時家貧力耕養父甘旨無缺父沒負土
成墳廬墓三年繼母患癰元皓口吮膿數升病尋愈待異母弟如
同胞妻喪不再娶已請 旌表

田大舉靈臺人州同職銜幼失怙恃善事祖母得其歡心遇奇荒
兵亂施粟米築堡寨全活甚多凡邑中橋梁祠廟多所修建云

王福生靈臺人家貧竭力奉親父患噎隔病鍼藥不效割臂以奉
病尋愈後父歿朝夕哭於墓所迄今稱爲王孝子云

李 恆靈臺人任成都經歷父以貢生赴 廷試旅卒借戚屬資
財未能還恆檢得父所遺手字凡內有名字數目者悉送而還之
人有不肯受者恆曰是以此貽吾父之過也終與之

熊殿吉靈臺人同治回亂出貲募勇堡賴以全賊平後復出貲招
集流亡遇里中貧乏無力婚嫁者輒傾囊助之不少吝

固原直隸州

明胥 恭固原人父亡哭三日勺水不入口遂致疾終喪始愈事母
呂氏年七十邁宿疾醫藥弗效恭齋沐籲天祈以身代刲股和藥
飲之母疾愈齒更生髮反黑壽至八十七卒

國朝楊金玉固原城守營兵康熙十年於道旁拾獲里民糧銀二十七
兩五錢還之

陳大寅固原人性孝友治家以忍讓相尙丁口蕃衍稱爲巨族篤
於本支七世同爨

陳 舜大寅後家州西鄉趙千戶所乾隆中稱巨族治家和讓守
先代家法十世同居里人重其誼

陳 鈺固原陳家坪人貢生嘉慶初以教讀謀生性慷慨里中子
弟無力讀書者鈺召之來學給以書籍筆墨由是寒家子弟賴以

甘肅新通志

卷七十三

人物志 孝義上

墨

入庠食餼者三十餘人

劉 憲字典章固原人嘉慶初歲大饑憲出粟數十石分給鄉里
賴以存活者眾有姪名三浩少失怙恃憲撫如己子旣長分田百
畝教之耕耘得以成立

王明理字復之固原附生嘉慶九年大饑明理出粟賑濟活人甚
眾道光四年又大饑仍施濟如前知州某顏其門曰惠我羣黎里
人製額曰積善之家子六貢成均者三

鄭 旭字耀卿固原人鄉飲介賓嘉慶初大饑旭周行鄉里按戶
稽丁遂出已粟每丁月給一斗鄰近十餘村賴以存活者不下千
人里人感其德爲立賑濟碑知州焦某過碑下讀其文稱爲忠厚
長者

韓世貴固原人道光癸巳大饑斗粟數千錢貧民向世貴持券借

貸者累數百家世貴悉給之次年歲大熟世貴病邀立券者至其家取券悉焚之未幾世貴卒鄉人泐石以記

馬 成字德齋固原人父自善早年從軍寒風侵雙目致盲嗣成官潼關迎養於廨朝夕以舌吮之並禱神藥年餘父目復明光炯炯僉稱純孝

杜芾棠固原附生居北關世多隱德咸豐十年北城傾圮庫款支絀官擬就地籌款興築芾棠出錢一萬緡督工修理完善

鄭師湜固原張高集堡廩生同治元年回亂師湜出糧二千餘石錢一千餘緡與羅滿貴蘇存紅等舉辦鄉團與賊接戰斬級甚眾後滿貴陣亡

陳生秀固原陳家坪貢生同治初回亂歲歉民不聊生生秀出積粟數百石以濟之或以立券爲詞生秀曰當此離亂與其坐擁厚

甘肅新通志

卷七十三

人物志 孝義上

吳

貴爲寇所掠莫若計口授食猶得共免餓斃何用立券爲也論者高之

韓希天固原五營廩生幼喪父事母至孝同治元年回亂賊擄村人盡殺之及獲希天賊酋大呼曰此韓孝子不可殺也遂負母而逃三年城陷母子同殉

陳士學固原唐家灣附生平居舌耕事母至孝同治初回亂堡陷賊酋戒於眾曰此地有陳先生者孝子也不可犯其廬旋病卒酋爲厚殮如禮

吳居忠固原蒲條川人性至孝父母歿繪像二軸朝夕供饌如定省禮同治回亂居忠負像奔陝途遇賊欲奪所負居忠以實對賊義而釋之後舉耆賓

劉占川固原盤路坡人同治三年回亂占川負母逃難遇賊將殺

其母占川哀號求以身代泣出血盈盥有老酋憐其狀並釋之遂逃至鄜州乞食供母後賊平負母歸里務農養母母歿喪葬如禮景元吉固原馬家河人同治初回亂元吉負母逃遇賊左臂被斫損骨口不呼痛猶負母至平涼乞食養母自啖草根後賊平奉母歸務農起家母壽七十七元吉孺慕倍殷

杜映旌固原貢生舉孝廉方正同治回亂後郡城書院荒廢士子無肄業所映旌與同學南化行鄭大俊張國楨邵慕孺王銘李維新王化行賀安邦田生敏等創立文社籌款發商增置學田構房取租經營數年學晝周至在學士子均蒙其澤

韓 某固原諸生同治回亂城陷入戶正衣冠莊誦經典端坐不顧麾其子逃生子某請與父共逃不遽去賊至子某正跪父前賊卽拉韓出將刃之子某急以其身庇父體祈代父死賊俱殺之

甘肅新通志

卷七十三

人物志 孝義上

聖

黃登甲固原人運鹽爲業家饒裕同治初回亂賊截斷餉路兵勇乏糧登甲出銀千兩助之後城陷登甲乃藏數百人於宅後夜間潛使縋城以逃賊執登甲刑逼索銀登甲乘間攜子星瑞逃於李俊堡遂免難

杜朝棟固原人其祖某於嘉慶間以獨力修州城得善人名朝棟守祖訓樂善好施同治初回賊圍城出金數萬散給貧民作避難資並購沙袋木椿以堵城闕每夜擇老幼乘閒用布纏之縋城下賴以脫禍者不可數計

王漢周固原白崖堡人善拳技同治初回亂漢周罄貲財舉鄉團爲堡衛遇賊必戰屢獲勝保全難民二千餘人

李昌連固原北鄉回民同治初隨總督左宗棠大軍採購兵糧辦理善後所至以公正稱光緒二十一年海城逆回李倡發亂昌連

召良回千餘隨同營汛晝夜梭防並出積穀數十石分濟逃亡
李文章固原東鄉人同治中回亂與鄉民舉團練出己貲置器械
以爲備總督左宗棠調其團閱之推爲隴東勁旅
金玉堯固原姚家堡人同治十三年正月在郡城南大市巷拾銀
五十兩徧詢諸友知爲馮介貿易貲遣夥袁姓寄於家袁誤遺已
潛逸至平涼袁妻聞夫逸自服酖玉堯得其情卽持銀詣袁室出
藥救袁妻甦並遣人至平涼尋袁歸以銀還之袁感其恩製額匾
其門

張鴻業固原戶科經書性慷慨好施與光緒初在署供差十餘年
凡受羈押者必給之食以免瘵斃夏則換獄鋪新草冬則予寒衣
至其周恤親鄰借貸錢米不稍吝亦不索償遇貧丐死者卽備棺
木瘞之時人譽之曰張善士

甘肅新通志

卷七十三

人物志 孝義上

吳

祁仲賢固原人繼母韓氏病危醫藥罔效鄰人戲語曰汝母病當
食汝肉卽愈仲賢歸焚香禱神自割左臂肉三寸許和藥進之母
病果瘳

馮佐義固原彭陽城人光緒中歲歉佐義出積粟賑之被其惠者
約六百餘人後舉耆賓

楊國棟固原東鄉武生光緒二十六年大旱國棟出積粟數十石
賑濟鄉鄰貧乏村中賴以存活者不少知州金承蔭額其閭曰慈
惠可風

馬海發固原南鄉大灣堡人晨起於門前拾一布裹銀包卽告白
通衢日晡有啼哭而來者倉皇甚海發問知爲銀主卽付之

馬海倉固原人光緒間海城回跳梁鄉人悉遷走空同其牛羊什
物有託海倉代牧者後鄉人歸堡海倉按原數悉還之平居喜讀

書待塾師意甚殷勤

梁 敷固原人早年有相士謂曰爾年不永當積陰騭以延之廩因以檢字紙瘞枯骸爲事風雨寒暑無閒

李 福固原鴉兒溝人光緒二十七年歲歉出白金百兩粟數十石以濟貧乏

袁宗安固原人歷仕固標在任時創修隍廟輿衛東岳山各神像蘇上達硝河城回民太學生同治元年回亂避入城者六百餘家上達出糧調濟嗣提督曹克忠駐境招撫流民上達竭力勸降以故破脅者僉釋甲悔罪旣曹軍移攻金積堡上達復備糧六百石助餉總督左宗棠疏請得敘功 賞二品封典

蘇九成硝河城太學生性樂善好施予同治元年回亂民多流離丸成捐糧賑恤爲之招撫並籌辦善後不避勞怨五堡晏然民實

賴之

張可觀海城廩生世居西安門康熙間吳逆叛可觀倡舉義旗冒險定計保全孤城後嗣張坦救災恤鄰排難解紛鄉鄰共賴之

夏一龍海城人性至孝父邁危疾醫藥不效一龍齋沐告天乞以身代繼截一指入藥父病頓瘳有司額其門壽九十六歲

張登榜海城人同母兄弟三人繼母王氏復生三子母歿父老家貧登榜孝友兼盡撫諸弟俱成立

張福璽海城人孝事父母乾隆十四年父孔正病危福璽割肉和藥以進父病愈有司旌其閭並免其丁役

張 珙海城人明指揮使張子華後裔乾隆閒議敘武生好義急公鄉族待以舉火者甚多咸謂克繩祖武云

劉登堂海城耆賓性好施同治回亂後凡親族貧無以生者皆周

恤之鄉民感其德立石稱頌子效琦武庠生

甘肅新通志

卷七十三

人物志 孝義上

五

化平直隸廳

國朝趙維晉化平水溝人咸豐時廩生性孝好善樂施督修觀山廟宇時小兒在家患痘疹晉至家兒氣已絕遂抱兒登山禱神兒忽呱呱泣竟復生矣咸謂神明祐助云

劉懷遠化平川人幼孤貧獨與母居同治初年回亂被擄賊將殺其母懷遠乞以身代賊感其義並釋之負母逃至陝西郿縣裸號行傭養母甚得歡心後母卒殯於郿日傭工夜宿殯所迨甘肅平定扶櫬歸與父合厝終身不飲酒茹葷年六十七無疾而終

甘肅新通志

卷七十三

人物志 孝義上

五

鞏昌府

宋程 俊會州人紹興初居栗亭之泥陽鎮俊幼時父母陷於夏常號泣自毀逮長捐家財數十萬以贖未至日北向號泣寢食俱廢夏人感動還其母邵氏俊日夕承順奉養周至又事族兄恭謹撫諸弟友愛贍母黨百餘口服食器用必與己同鄉里稱至孝

元劉文德安定人父病三閱月朝夕侍湯藥恭敬弗懈父卒葬廬墓三年五辛不入口時有白兔異草之瑞有司舉爲孝廉授鞏昌衛經歷

明曹敬德鞏昌人親歿廬墓三年

康 堯甯遠人宣德閒年饑堯輸粟千石有司以聞勅賜冠帶至今號萬石康家

張世昌隴西人父母沒前後廬墓六年

甘肅新通志

卷七十三

人物志 孝義上

五

成 勳隴西生員親沒廬墓三年

關世安隴西生員父玘年八十餘卒世安哀毀幾絕旣葬廬於墓側日績麻纒自給偶值兵變鄉民驚逃世安墓居自若致白鼠羣烏之異

張世恩安定人父母謫戍海南客死數萬里外世恩朝夕號泣幾至殞絕乃盡鬻產業竟航海扶櫬而歸

張宗讓鞏昌衛人幼孝食物不奉親不入口及長闔家遭疫父母兄弟皆死號泣屍側治喪而疫不染有子七人亦能孝

王 潛伏羌山僉上里人年十六父文政病危藥弗效潛乃割股和丸以進父病卽愈今名其村爲孝子里有祠在西二十里鋪碑曰孝孚輿論元孫修邑弟子員職盡爲子無忝所生太守蕭某旌曰世孝維風

謝 珮字尙玉伏羌庠生性純謹事親孝父母相繼亡家貧營葬不能成禮躬自負土築墳廬墓三年鄉人稱廬爲永慕亭博士弟子王允光爲之記

邢自明鞏昌衛人母卒負土築墳廬於墓側三年晝夜號泣形銷骨立

石友鎔安定人輕財重義每歲荒粥以賑飢棺以葬亡邑人頌之成化閒大饑鎔輸粟千石及年豐都御史馬文升令民償粟鎔不肯受文升義之表授正七品冠帶孫璜大名府教授素有孝行邑令榜其閭曰孝義之門

魏文曇甯遠人成化閒隴右饑文曇輸粟二千石有司聞於上勅賜七品冠帶

漆 金伏羌人天性至孝母張氏病卒金哀毀逾禮旣葬廬墓三年號泣如一日有玉兔白狼遶眠冢上天雨雹惟墓所周圍十里不害其稼人以爲孝感所致宏治五年旌表

徐 徹隴西人平遙縣令諸生時事親色養備至不求人知嘉靖甲子將赴省試宿於逆旅主者曰君非隴西徐徹乎對曰然主者曰吾早起聞空中人語隴西徐徹以孝中今科四十二名榜發果如其言

劉世經岷州舉人任直隸深澤令好古博學力行孝弟旣葬親廬墓三年

張 璧安定人骨貌奇豐讀書能詩授山西石州吏目以親老告致自奉約好施與親鄰疾病窘乏者極力周之宗族及外家孤子多撫育成立嘗賙貧士有達而報德者璧忘其姓字邑被水患生者予衣死者給棺後二子以選以述賑邊賑荒皆出庭訓璧年九

十二沐浴冠帶而逝

楊 政安定人爲人好義有以二十金易政馬者甫一日馬死政憐之還其值夜盜至其家政獲之間曰何爲作盜曰迫于飢寒遂取布帛給之仍戒家人示勿暴其名後裔昌衍人謂積善之報楊永壽賈恭李越安定人敦厚質實修德慎行恪守禮法前巡方命勒名旌善亭俱膺壽官

張以選安定人太學生授鴻臚序班萬曆中大饑又寇犯洮河以選施糧二千四百石奉旨尙義可嘉進寺主簿建坊賞白金二十兩弟以述亦授序班差往封寇順義王賞白金二十兩文綺二疋又奏進助邊銀一千兩奉旨忠義可嘉進二級部臣謂其知邊事仍咨往經略尙書鄭洛軍前効用時邑凶荒直指韓某勸賑以述兄弟捐助米三千石他州縣靡有應者韓太息久之其時輸粟一

甘肅新通志

卷七十三

人物志 孝義上

齋

百石者張嘉兆陳誼陳諤楊四知効希臣五十石者陳三樂劉仕學張世昌

楊 級安定人解州吏目自少敦篤宗族多施濟其子希古成名閩黨以爲積善餘慶

王守蛟安定人萬曆中傾家千金應支驛遞縣令給以協濟銀數百金有強族攫百金去蛟亦不爭子講居鄉恂恂自少至老未嘗忤三尺童子以良善爲家風父子俱膺鄉飲子弟至今儒衣綿綿王思恭通渭人幼喪母繼母不慈恭事之愈謹母後感悟遂善遇之父疾恭親嘗湯藥食不下咽衣不解帶者七日及痊鄉里歎曰諸醫皆謂無望而乃瘳焉非孝之所感歟

周 紳甯遠人布衣時家極貧母性嚴每怒紳夫婦跪受責無疾言毋多疾不肯服藥紳必親嘗跪奉百方寬譬母爲感動鄉里共

稱之後官至兵馬司指揮

劉士宏甯遠人性至孝父卒甫殮棺忽流寇至眾皆奔避宏曰父
柩在此只有同地受死而已伏棺而哭遂被害

宋之佐字臺任伏羌庠生父自福常患腹病佐侍湯藥不懈病篤
晝夜不離寢所者三年比卒哀慟極廬墓百日復寢苦枕塊如初
巡按楊通宇旌曰純孝鄉里表曰孝無閒言

王好信伏羌增生早喪父事母孝母有疾祈天自代及歿致哀盡
禮巡按李嵩特加禮獎子世特善繼父志

馬光裕伏羌人家貧拾遺金詢歸其主

魏容賢伏羌增生家貧能儉不趨時好里人稱魏古人嘗有盜入
室容賢給以錢諭令改過賊感泣而去時流寇攻城容賢出貲募
團固守富家高其義亦相助城得全巡按李某以倡義全城旌之

甘肅新通志

卷七十三

人物志 孝義上

七

王 瑀岷州人醫術濟人多所存活不受餽謝事親至孝親歿哀
毀逾禮不作佛事伯父乏嗣瑀孝養無異其親時論偉之

王服遠西和人選拔任山東濟南府通判致仕歸事親至孝母葬
廬墓三年泣血無已巡方使表之祀忠義祠

李茂實西和學生郡志載孝子事蹟墳墓俱無考

國朝朱照麟字北郭隴西貢生照東之兄母暢氏性喜施照麟先意承
志於財物巨細無所吝母奉佛旦晚誦心經照麟特爲靜室於後
園廣植花木以適意言笑嬉嬉如童孺狀所見聞有稍希奇事歸
卽張大其說以悅母意惟可悲可憤之事雖甚異不以告其愛弟
亦若溫公之於伯康

閻天倫隴西人父我聰舉義夫家中屋隘獨居寶慶寺逾三十年
天倫家貧甚與其妻楊氏開一小麪房雞鳴起更迭推磨天明市

親所嗜者往饋之午晚餐皆然雖甚窘且忙時刻不失夜則侍寢以便服事父失明醫者謂須忌口父遂欲長齋天倫以父素食萬不能一飽乃請代之自絕葷腥匕箸常另置年餘父目復明而天倫竟先父卒妻楊氏賣漿度日事翁一如夫在翁歿竭力營葬忌日必設位祭至老不替

原 宸字楓卿附貢生隴西何家溝人事親能色養自飲食盥漱細及便溺私褻之物必親進而手置之或曰有童僕在何僕僕若是宸曰否親固吾親也親之所安者莫如子豈他人所能代之乎後母歿事父益謹竟先父卒病亟時抱父頸一痛而絕咸豐元年旌表

馮 鼎字新齋隴西庠生其母舅朱旭齋喜讀儒先書鼎自少得聞其說長遂向往篤之少失怙事母朱氏孝年三十三喪妻事親

甘肅新通志

卷七十三

人物志 孝義上

姜

之事子兼婦職夜閒橫卧足下每中夜微起竊聽氣息惟恐母有不安母嘗患泄瀉悉心調養自廚竈至廁溷必手親之顛神禱天數月而痊

王萬年隴西武生生一歲父母雙亡長嫂與其子並乳之乳少而不能給兄每入見其妻之乳弟也則喜哺其子則不悅嫂承順夫意叔育而子斃焉及長有室嫂待之以叔而愛之常若子習武居外一二日輒召入以留饌食之曰汝不來不知我之念汝耶萬年六十餘言及兄嫂輒含淚

張克孝字南陔隴西汪家衙人友于甚篤初與弟克悌俱從塾師讀師器之及親歿孝乃輟讀理家事專供弟讀克悌入庠後肄業蓮峯山孝竭力供給弟偶言某書爲友借去相距百里何以得來孝卽日裹糧走取自奉常不足而弟需用不少缺所讀悉爲查背

咸豐乙卯弟應舉孝翹望好音每夜踴踴東行數里外及報捷人至喜極而悲涕泣不能自己聞者感之

孟 琇字仲瑩隴西汪家衙人與兄諸生琳俱孝友父早世母性嚴琳兄弟有過笞詈不少恕兄弟泣跪受責母氣既平則嬉笑依戀若嬰孩以娛之母歿琳廬墓琇經理家事每飯必親送墓所祭獻後肅立俟兄食畢乃返夜則陪兄宿墓廬琳自墓歸事之益謹市有新蔬富家未及嘗而兄已數飽果實初登輒買置數枚於懷手持其一作小兒得餅狀以戲於兄兄大笑乃探所懷者置其前琳晚年患癘疾家居苦寂琇假小肩輿晨昇至街令與相善者俱晚復昇回琇故多力每昇輒肩前杆作轎夫叫呼揚號狀以博兄笑琳歿哀毀不異父母鄉人難之

甘肅新通志

卷七十三

人物志

孝義上

五

容嘗爲族姪某登門毒詈巨川適不在比歸不平者以告徐曰彼有氣故詈時久氣平自不復詈矣

梁 奮隴西人赤貧事母孝母患癰奮夫婦傭於野朝暮往返負之俱遇雷雨則先負其母而走既抵室乃返顧其妻子鄉人以是稱之

張指南字子車隴西人兄圖南字鵬九皆歲貢生兄弟相友愛子車尤以悌稱嘗赴酒席皆大醉歸兄不能自持子車左右力扶小心無失既抵家掖之上牀視其寢乃退甫移步而倒不自知矣乃知前者酒以心勝也

郭 蓋隴西府學生早失怙恃比及長晨昏焚拜無間寒暑每食雖疏食必以薦遠祖生卒日具楮幣致奠歷數十年無一誤者事兄嫂甚恭謹怡色柔聲未嘗以氣觸子姪皆其所教成

汪 荷字蓮舫隴西庠生與弟藩均以孝友見稱於時每早登高望見里舍不舉火者造門叩問出粟濟之值歲旱步禱蓮峯雨輒應云

馬 泰字天然隴西人少失怙家貧事母以孝聞每晨趁母睡趨市蒸餅牛乳茗奉母必視食飲而後退數十年如一日母壽八十有四卒喪葬以禮尤顧恤貧寒子弟里人陳倫亦貧而孝少時被益甚多至老稱道不忘泰壽與母同

陳立倫字明五隴西人少孤事母能得歡心家貧好善舉邑修城隍泰山各廟倫經理無少懈年三十六喪偶遺孤幼終身不再娶學使葉昌熾表其門曰一鄉善士弟立綱字振三庠生孝誼與兄埒兩赴新疆從軍倫竭力備資後綱官留川補用總兵

張鳳岐隴西人父早逝事母孝母年九十餘卒妻繼亡時岐年三

甘肅新通志

卷七十三

人物志 孝義上

五

十餘不再娶垂老邑人以孝義舉學使表其閭曰完人之則

韓二桂隴西人家貧咸豐初中衛歲貢武濂館縣署二桂服役後濂官府學訓導二桂仍服役如舊同治五年八月初二桂奉命出外二十一日城陷濂闔家殉難克復後桂返署徧覓僅得濂屍葬於南郊里許立墓碑以誌

郭 嘉隴西人老成勤慎邑馬世忠購田柳樹林物色得嘉寄以耕約束諸僕十餘年甚得力積粟甚多同治三年回亂嘉承世忠命挖窖藏粟甫蕝事賊陷南關奉世忠家屬避難郭家鋪賊退復奉以還城迅移粟藏如前嗣賊屢圍城歲饑人乏食世忠出粟贍鄉里賴以舉火者甚多皆嘉之力五年嘉守莊賊至被戕死賊退後世忠得屍殮之鄉人稱嘉爲義僕云

李敦文字子厚隴西諸生幼穎悟學品爲時推重事母孝雖盛怒

母至卽解教學以敦品爲先隴城知名士多出其門

李應芳隴西人幼業儒長入武庠妻故芳年二十五慮再娶乏賢遂終身不再娶姪秉鐸嗣弟姪得成立皆應芳力持身治家有儒士範

王振基字運昌隴西庠生性孝友好施予遇鄉鄰爭訟力爲排解歸於和平同治回亂率衆築太平堡練團積粟守禦有方賊雖屢攻卒無恙衆咸賴之子鏞貢生鑽庠生均有父風

楊純臣字衷丹漳縣人性至孝年五十八中順治辛丑會試第五名事母備極色養侍側不忍遠離母沒哀痛時年已六十二矣每出入必拜母主旣葬始筮仕青城令清釐官民累年賠苦蠲無藝之征釋舊令之羈輸貲米立義倉善政種種告歸青人攀轅號泣觀者歎息年八十一正襟危坐而逝

甘肅新通志

卷七十三

人物志 孝義上

五

劉振邦字汝翼漳縣庠生幼喪父事繼母朱以孝聞重義輕財隣里有急輒慷慨周恤倡建東麟西鳳文昌各寺宇及堡寨橋梁凡有建造悉身任之母卒泣血幾喪明廬墓三年後門第寔盛男義婦節爲鹽川華望云

楊懋功字建菴漳縣新寺鎮人增生慷慨好施咸豐中鎮有大獄株連二百餘人功出貲營救咸得解脫費至四千餘金又關北山石徑亦不貲善岐黃不計報嘗設肆於門戒其夥母少欺婦孺無遠近聞其名者皆爭市其貨里有病者夢入陰譚語貸有冥貲貸者謂必以楊鋪錢還我人遂有懋功不欺陰陽咸知之譽後卒會葬者二千餘人遠近皆稱楊三先生云

劉廷連字商卿漳縣鹽井鎮人由生員舉孝廉方正善詞合同治回變嘗爲賊陳利害說順逆侃侃而談賊酋少動攻擾遂息尤仗

義樂施與里民多仰賴焉

成遠猷字叔告漳縣新寺鎮人武生輕財仗義拯飢救溺惟恐弗及咸豐中聞髮逆西逼卽出貲築堡同治回變招納里人堡居團練教守禦法作鎗礮集木石爲備乙丑賊圍城人乏食遠猷出粟以貸全活甚眾賊肅清後悉焚咸同間積券三千餘金人皆義之張其策字獻奇安定人先貧後富性孝友竭力養親父素性儻儻每日所費其策悉爲預備父或拂意外出則隨而跪請必挽回而後已宗族中有貧乏者量力周濟至有過則嚴斥不少貸乾隆中大饑策破產贍養又施地數畝收葬骼骸男女各分一坎每日夕親往視爲正其手足然後掩埋夜恐爲狼犬所殘雇人看守巡道李殿圖高其義復助銀令辦賑恤焉孫燕筆藻筆華筆文名甚噪元孫海清拔貢生

甘肅新通志

卷七十三

人物志

孝義上

本

楊承烈安定庠生紅河子人少受業於陳鴻緒之門居相近承烈僅小康師老而貧供其飲食以爲常寒暑衣服必先時而預製焉厚薄短長無不適體師卒飾終之費竭力相助邑人稱爲恩禮並盡云

趙 璽字玉符安定庠生家貧教讀自給事業師甚謹鮮茶時果未奉師不食妻亡無子晚年目盲不能教讀屢斷炊而祠堂內屏幃器具居然世家家中舊蓄書籍字畫甚多或勸其典鬻璽正色曰貧吾分也故物先人精神所寄也雖餓死不忍爲也年近七旬嚴冬寒牀神色自若

范汝超字允升安定舉人張淡庵受業弟子也少孤貧淡庵飲食教誨得以成立汝超遂父事其師倍極誠敬及淡庵歿每朔望及生忌日必詣主前拜奠歷終身無少異後官嶽縣教諭致仕歸先

省墓隨即設奠祭師亦如其祭祖焉

賈 某安定進士揚宗義父也嘗在路拾一銀包時家貧甚分毫未動逾年有客過言在此失銀事賈某一問明原封給還客重酬之不受後撫揚宗爲義子助其讀書揚宗字彝堂自選拔至成進士所費皆客貲官刑部主事既卒家式微子孫他徙妾剡氏年未三十獨守故居不去令節生忌陳衣冠縣畫像拜奠惟謹終其身無稍懈

梁 梅庠生安定嶠口人受業鄉賢馬疏之門性樸誠至孝篤學不倦兄早逝撫孤姪如己出居家教讀爲事子姪輩多所成就同治甲子十月十七日逆回至莊梅登山呼之曰我之衣物財賄爾等任取詩書乃聖賢典籍若壞之行兵不利寇退至家急收拾書本字帖括入箱篋乘夜逃在菜窖猶燃燈照讀黎明賊忽大至與

甘肅新通志

卷七十三

人物志 孝義上

空

父俱爲所執賊先脫父衣梅大罵以身蔽之言有我在父衣豈容賊褫賊遂釋父而害梅至死罵不絕口云

吳連元安定人性至孝家貧爲人司典肆務有新菜果必寄家度母食然後食母以節蒙 旌一切禮服皆銖累寸積預爲製造至送終時附棺附身無一缺焉後與其姪登瀛俱死回難遠近惜之登瀛亦孝子

吳繼廣連元族弟未讀詩書而性孝友母蘇氏卧病二年雙目失明廣晝夜侍側如嬰兒戀母狀扶持抑搔纖微曲盡便溺必親不假手於妻子謂妻子或不免憎嫌也夜則爲之捫蝨說家常事故母目雖盲常不苦寂兄紹虞目亦昏眊出必隨行同治三年回匪猝至城下虞家城外未及進城廣扶其兄遠避俱免於難

石 澤安定李家堡人初年家貧甚父子易衣而出後在鄉設店

營生始獲小康而待宗族甚厚澤堂兄堂弟六人舊皆分爨貧不自給澤爲之娶妻因與同居終身衣食之無閒言疏族中藉以成室者二十有七人後其子武中武解元同治六年回匪破李家堡死者三千餘人惟澤子孫無恙

趙治安定人有孝行同治初治病臥在牀聞賊至力疾起扶母馳車逃出里門數武賊戈將及度不免恐戕及母呼僕驅車行奮不顧身以杖抵禦遂遇害母得免

馬採字平甫安定鄉賢疏之次孫同治癸酉順天鄉試舉人官刑部主事性慈惠待朋友以信遇鄉里赤貧之戶有父死不能殮葬者至解衣典之厚贖其家至今猶嘖嘖人口

米重玉字田書會甯辛豐里人順治十一年拔貢父世發庠生早亡母李氏年二十三歲重玉甫四齡弟重璋二齡賴母撫育稍長

崇禎間流賊破城璋被掠母涕泣成疾玉慰母祝天冒險入賊境覓弟回母疾頓愈康熙壬寅 恩例廷試重玉因母年老終養不仕母病親侍湯藥夜不安枕母歿慘痛幾絕廬墓三年父母忌日齋戒設祭哀痛陳諸品物壽七十未嘗少懈入祀孝子祠

焦芳夏會甯偏南里人英年入武庠先是祖元正父玉鄉居耕讀康熙七年有賊首馬五等率徒八十餘人夜入莊執元正火其臂索財玉持物擊賊被賊燒死時芳夏適他往及歸賊散父亡祖幸存芳夏齧齒痛極誓得賊飲血雪恨遂挾役裹糧覓賊逾年始獲謝二等二十餘人按律正法後隨奮威將軍王進寶削平吳逆以功任閬中縣知縣旋歸里入祀孝子祠

王宗文會甯庠生性至孝事母曲盡誠意凡牀幃衾枕鋪設必躬親之母未寢必色笑承顏率以爲常多年不懈母歿廬墓三年後

築書館於墓旁朝夕展拜待兄弟亦友恭雍正九年知縣楊稷以孝友可風旌其門

楊 瑄會甯庠生鄉飲介賓家貧舌耕以養愉色承歡父卧病嘗藥視膳無少懈父歿寢苦枕塊哀動鄉里母邁疾近狂瑄澣濯不辭穢者十餘年及歿擗踊哭泣絕而後蘇兄弟七人友愛甚篤無私財產處鄉黨以和乾隆四十八年 旌

楊 珣會甯監生生甫四月父歿母吳氏撫育稍長知父墓不時掃視卽哀痛歸拭淚痕不令母知母病侍湯藥衣不解帶及卒哀毀骨立珣嘗患疫厲幾不起禱諸神求得爲母請 旌死不恨少愈卽爲稟請戚族有急必奉母命調恤之不自德乾隆六十年 旌表

董開疆會甯監生鄉飲介賓父學孟性嚴每督誨必曲意承之父

甘肅新通志

卷七十三

人物志 孝義上

三

歿執喪盡禮廬墓三年母梁氏患癰開疆口吮以出餘毒乃愈事繼母蕭氏與親母同繼母歿哀毀幾殞命歲時祭祀必敬必誠乾隆六十年 旌

吳錫綬會甯人家貧入庠舌耕養親丙子舉於鄉逾年父歿盡哀盡禮無遺憾服闋後每值禮闈以母老不肯漸離遇大挑不圖進取戚族有急必周給之庚寅荒饑家僅存糧數十石遵母命盡散鄉鄰全活甚眾母卒水漿不入口者數日旣葬廬墓三年子思權遵庭訓敦篤孝友人咸欽仰嘉慶四年 旌

董聯璧貢生孝子開疆之子父慷慨好施聯璧曲體親心戚族賴以舉火者甚眾父病籲天願以身代及歿勺水不入口者七日母劉氏早卒常痛不逮事忌日必哀事繼母如生母承歡侍疾廬墓祭享諸大禮多循父制邑令陳某以一門孝行兩世賢詩贈之嘉

慶二十一年 旌

任守志會甯羅家坡人太學生咸豐二年大旱民飢甚守志出粟數百石以賑全活甚眾鄉鄰以子敬高風匾贈之卒年八十八以長者稱

馬維學會甯增生蚤喪母父不再娶維學率妻曲承父意褻衣溺器躬自浣滌三十餘年無或稍懈家貧舌耕養親父病親侍湯藥父歿疏食三年未嘗入內每食必跪獻

王應元會甯謝家岔堡人同治初回亂應元激昂慷慨眾以義感避難者日眾治疾恤貧難民賴以無恙賊退後建修關帝龍王顯聖山神土地各廟以伸禱祀

蘇生泰會甯蘇家堡人慷慨好義人以善人呼之同治初回亂附近居民避難於其堡者六百餘人生泰有糧百數十石計口日給

甘肅新通志

卷七十三

人物志 孝義上

齋

饑人賴以活效死弗去三四年間賊攻圍堡城前後共十月卒未破賊遂引去眾悉無恙生泰憂賊成疾竟不起人咸惜之孫耀泉浙江烏程縣知縣源泉禮部主事

王履中字禮堂會甯增生同治八年回亂父化成被執履中懇泣求以身代賊感其孝兩釋之後父歿喪葬以禮母年八十履中年亦逾六十孝養不衰母歿哭泣之哀弔者墮淚

郭樹枬會甯郭家岔堡人太學生同治八年回亂鄉鄰避難於其堡者千三百餘人樹枬積有糧石悉賴存活凡三年之久賊退眾皆無恙而樹枬積蓄以罄

張明海字誠齋會甯人家貧業石工父永泰以兄永貴無子令出嗣明海遭嗣父喪時方工作邑之東鄉聞訃匍匐至泣血暈絕者數次六日水漿不入口殯後日號泣覓死偶覩瓶酒和藥急吞盡

之毒發幾瀕於死經解救復甦自是不茹葷者三年每當祭日哭泣失聲其事本生父至典貲以供羞膳每蔬果新熟雖極貴必先市以奉之侍疾衣不解帶起卧便溺皆躬自扶抱及沒哀慕一如喪嗣父時初二親分爨明海調和其閒復同居同治八年朔回陷城時明海負販通渭之馬營鎮聞信馳至冒矢石入城負其母以出遇貧乏至取礎上粟分給之鄉鄰稱厚德焉

李振西會甯初石溝人太學生回亂後徙居侯家川築堡寨招流民同治十三年冬大疫死者甚眾厲氣熾人不敢殮屍皆遠避野宿振西延道家修醮逐疫施棺掩屍疫遂息流民復安鄉鄰咸重其義子友蓮拔貢

張俊通渭中川鋪人捐貲建文昌宮施義壟設粥廠鄉里稱善人乾隆甲辰之變賊所經村落盡焚掠至椿樹巷令曰此張善人

甘肅新通志

卷七十三

人物志 孝義上

李五

莊也切勿壞肅隊過之

陳國觀通渭榜羅鎮增生善教次子事父母孝養備至嘉慶四年父卒未葬教匪至觀負母冒白刃身被重傷幸得脫後既葬父出粟千餘石築堡練團人賴以活賞給六品頂戴七年歲大饑極力賙恤對債者焚其券遠近德之舉孝廉方正

李思沆字慎庵例貢生通渭鄉賢南暉次子孝友性成父在金川丹東臺站偶病沆聞耗晝夜兼程不避冰雪馳站所調理數日而痊母患目疾朝夕以舌舐洗百日復明回變從父守陣下巨石擊賊賊勢猖獗父叱去沆曰大人以身殉城兒獨不能以身殉父子城將陷扶父歸家祠賊至將戕其父思沆奪賊刃十指俱落身被數十矛伏父屍而死

李師沆字文若太學生南映子孝友素著父沒於威遠師沆扶襯

歸葬哀慟異常母病經二年餘親嘗湯藥衣不解帶者累旬甲辰之變隨叔南暉守城捍衛不離左右城陷賊至祠堂門師沆迎擊

之被創而顛旋復甦見叔及弟已殉難遂縊於父主前
王秉乾通渭安遠人好善樂施歲饑設粥廠活人無算及卒乞丐弔臨者且數百人至今以爲美談

賈夢虞字乃占通渭什川鎮歲貢生父璜增生時有領資通夥者數年剝蝕殆盡璜仿李氏燔契一切外欠悉焚之夢虞隱居課徒成就甚多手鈔經史自選綱鑑擇語時人方之王氏青箱子芸字仲香貢生性孝友亦慷慨樂施鄉里被澤子孫富貴纍纍人以爲世德之報云

馬鳴盛通渭安遠里庠生川匪之亂有二童子被擄至伏羌牛蹠灣伺賊熟睡而逃道逢無賴子奪其衣鳴盛呵去引以歸次年亂

定貲送還家又遇甯遠數乞人疾病者留養經旬而瘥皆感恩傭工以報之鳴盛仍值其價庠生鳴玉其弟也亦以善賑見稱於人苟奉祖字念庵通渭吉川監生有膽略牛雪樵從軍靖海邀偕往每事輒預決得失及歸糾眾修金城鎮堡謗議紛然回變起則同聲德之遂推爲團防長派丁習槍礮刀矛如嚴師之課子弟不厭不倦六年如一日且勸出積粟備軍儲並濟飢困而量償其值以故年雖大荒賊雖屢犯得恃以無恐官長亦倚以爲重總督楊岳斌往來其地亦時獎之

周有庠通渭監生道光四年歲大饑出粟百石賑濟困乏鄉里德之匾以義高指困時貢生馬耀雲耆賓王連從九馮天佑庠生衡相湯孫步雲監生鞏如嶽亦出粟賑貧常天輔常家河人每歲饑登高望有不舉火者則闕之又買耕牛二頭凡無力者資以耕種

不失農業張連者張家窩灣人也嘗拾金二百餘兩閱三年始遇其人還之其人贈一馬固辭不獲已取一疲者所披一裘屢遺道上見者必訪而還之曰此張善人裘也其感人如此

張學淦字麗生通渭人由武生捐千總性慷慨道光時爲近聖書院捐膏火錢二百四十緡其叔問政字尊五例貢生嘗賙恤鄉里給士子資斧創立文昌宮長子繩武字詒亭同治開辦理城防捐輸軍餉賞給六品藍翎里人區其閭

王錫三通渭馬營三里鋪人文生道光十四年倡建華陽書院同治二年十月十五日張家川回逆逼近馬營時錫三已老艱於行子裕負之逃遇賊西門父子均被害

牛樹楨通渭牛家坡人咸豐丁巳四月於衢路見緡錢不滿串者數十文以鞋底繩有紉頭者穿之盤置道左曰此必貧者錢也坐

甘肅新通志

卷七十二

人物志

孝義上

七

而候之久之有人貿貿然來問曰丈在此幾何時答以許久有過往人乎答以人多其人歎氣神色慘沮樹楨知其爲失錢者反問之言皆合出而與之

張翁兄弟二人通渭車場人少貧業木匠伯仲相事有如父子伯自外來仲趨迎若童孺之見母者後擬析產爲二仲不可曰弟之子一而兄之子五如兄所言則一富五貧諸姪獨非父母之孫乎必依人數均分乃可伯曰不然父母先有子未嘗先有孫親友初不能決後勸以三股分伯占其二仲少於伯五歲然亦入旬外矣每言二人誰先死必呼與同去伯先沒仲聞一痛幾絕從此不食七日亦沒

張言通渭安遠人貧不能娶每有獲卽奉養其母及母老多方以備旨甘母沒開壙於母墓側坐卧其中數年而卒里人慕其孝

釀錢購棺葬於所開壙中武生令德顯者令家川人也行年六十餘慕親如故同治三年賊猝至母年逾八十負之而逃賊追之以護母遇害

邢炳字耀庚通渭南鄉貢生少以孝聞年五十猶依依親側若孺慕焉同治乙丑母老且病炳聞賊至負母逃遇諸途賊問昇者何人曰九十老母問持矛何爲炳反詰之賊相率去初炳信行功過格先數日母夢大書功過格於背上印文昌手迹掌痕宛然及免始悟有默佑者著書見藝文目錄

王澄字海秋通渭庠生家貧授讀奉母足不出里門每晨必叩母安始赴館課業先奉母食母或他出必徧覓之奉杖侍歸視母食然後食夜必埽牀設被親奉溺器母初信佛法茹素誦經諸昆弟溺其說澄從容勸諭卒格於正

甘肅新通志

卷七十三

人物志

孝義上

突

魏公清字鑑堂係烏蘭祖厲人少赤貧孝友性成歲饑爲人牧於涼州混涼山以養其親父沒藉傭工葬於道旁極哀慟期滿負簪母家於通渭義岡鎮日販饅饌備甘旨母沒日哭於墓見者悲之嘗道拾數百金還其主晚年家漸裕舉壽官知縣鄒某聞其孝賜文褒之

牛輝如通渭監生議敘布理問銜樹梅從姪也回變起爲堡總同治七年歲大饑斗粟萬錢人相食樹梅由蜀貽輝如書曰家鄉如此汝須竭力賑恤卽罄吾所有不汝咎也輝如體其意以行鄰近數十村皆無恙鄉人德之子承其親沒廬墓三年

王子明庠生通渭鐵櫃鎮人事母至孝每在外有菜果必遙獻之而後食嘗赴鄉試母一日聞桃香久之不散他人不聞也女曰此必吾兄所獻也盍誌其日驗之比歸問之果然孫亦儒性耿介俗

號古時人同治十三年弟被縣役勾去亦儒痛哭追呼因疾狂搥胸拔髮連呼第而卒

張啟心字君依通渭人母沒父不再娶啟心承歡膝下四十餘年父年八旬卒啟心亦年逾六十貧無以葬時同邑南念詒任南甯府匍匐告助得贖金百兩卽歸乃克舉棺其至性如此

朱蔭宗通渭南鄉人家貧繼母愛所生子父亦因之寡恩同治間父被賊執罄家貲往贖賊曰償多乃可不然必殺之蔭宗歸徧告貸無一應者遂自縛請以身代賊縱其父而執蔭宗後伺隙遁去又獲於兵父聞之贖以布由是父子如初

王秋娃通渭北鄉善馬溝人父玉聞賊至偕家人先逃秋後至見父被執求以身代賊不許奮力奪之賊怒父子同遇害

咎平娃通渭北鄉鋪路川人母病篤聞賊至命之逃平涕泣不忍

甘肅新通志

卷七十三

人物志 孝義上

矣

去遂遇害時有劉印者事母亦以孝聞賊圍奇峰堡母曰苟有隙汝逃以延宗祀印依依不去堡陷母子皆墮崖死同堡喬琛之父登泮壽官也堡陷琛欲負父逃泮曰吾老矣汝速逃勿顧予琛泣曰正惟父老兒不忍去賊亟殺之

車循南通渭東鄉人幼嗣叔父承歡膝下曲盡孝道迨嗣父母沒移孝所生朝夕省視三年如一日生母卒迎生父於家孝養備至同治時賊突至車家畚眾皆奔逃循南以父八旬餘氣息奄奄不忍去遂遇害父賴以免

張守和通渭貢生事母以孝聞嘗入秋闈夢母有疾而返及歸母果病醫藥奉養備至母沒不飲酒不食肉不入內者終三年生員傅重華傅家河人事母亦以孝聞溺器必親滌母患足癢且病瘡以口吮之而愈有李蔚者甘上里壽官也出爲人後嗣父卒嗣母

不慈每怒蔚卽長跪至中夜俟母悅而後起於本生父母亦盡心孝養牛搗謙貢生祖母患股痛恆以身襯之雖蚊蚋交集其面不敢拂五十四者傭人也家只一母朝夕必具所以供奉者而後傭於人母患風目以舌舐之母無齒代之嚼且負之入廁備極扶持母卒哀慟不已行年四十餘始娶妻生子

郭子建通渭碧玉鎮人少失怙事母孝母卒廬墓三年未嘗見齒旣禫衰絰俱做見者歎服孫興邦曾孫正域皆入庠食餼

周之楨字文卿甯遠諸生家貧力學以行誼孚鄉里一日早起於官衢見遺囊攜之甚重持至家視之皆白金及白金器念此必官府命僕役所將蚤行遺去計其覺時必誣及好人卽持所拾物尾至縣果某差役已妄訴無辜若干人於令刑訊不服其人持之甚堅令方徬徨聞之楨忽躍出曰若遺物某地何得害及平人眾盡駭愕之楨出其囊曰此非若遺耶令大喜詰其役叩頭服罪令以聞上官表其閭爲還金又置義田若干畝以旌之

李馨字香圃甯遠歲貢篤於倫紀家庭之間藹如也性和平口無惡言

魏守相字季良甯遠黑池殿拔貢事親以孝聞兄弟析居時產業初讓不受不得已以歸已者入宗祠祀田布袍糲食儉約終身李中元甯遠岡頭觀人道光四年歲饑發粟賑貧全活甚眾八年立社倉中元捐穀先倡之

劉經邦甯遠渭陽武生每歲晚必量恤貧寒至喪祭大事求無不應人謂澤及枯骨至今稱劉善人云

鄉飲王定畿增貢楊遇文皆甯遠灘歌醫生遇文家素裕周恤鄉鄰毫無吝色定畿本寒士尤能樂施濟人鄉人交口稱頌

楊 楨甯遠草川監生同治閒大旱斗麥萬餘錢楨設廠以食餓者又出貲移龍口寨下村困民就食時軍需浩繁官以富戶召楨數十村婦孺遮馬前曰楊爺去誰活我輩耶官聞狀而止四村人嘗質地於陳大旗楨出貲贖之仍還其券於村人至今草川人言之皆墮淚

董鳳舞甯遠武生性孝凡瓜果鮮物必進母而後嘗侍母側嬉笑孺慕不少衰母年八十以壽終居喪哀毀不期年而沒

王兆麟甯遠洛門增生同治四年堡陷時母老且病麟侍不肯逃賊至未加害次日賊又至刃傷麟手母曰我病無生理爾可速覓活計麟哭不去而卒免於難

劉經帶字書田甯遠礫石川舉人孝友謹飭跬步不苟蚤喪親繼母楊氏不慈經帶委曲承順宛若孺稚部銓永昌教諭以繼母年

高辭不赴懿行多端人稱其不箕坐不欹行不邪視傾聽

陳 恭字敬堂增生甯遠人年十九父沒家貧傭身三年乃克葬父兄益遊幕沒北地恭徒步千里販藥數年得微資急扶襯歸途遇劫盜以智脫入鳴沙隘道適回寇虜集恭持械與鬪身被數創賊辟易引去若有神助精醫術遠近皆耳其名伏羌王權謂世徒知其醫而不復知其學與行與才知言哉以子貴 封奉直大夫車聯甲甯遠車家岸人武生好義樂施同治閒回亂團兵多與民有隙輒相擊刺聯甲調處其閒曉以大義民團相安無事 侯丕顯甯遠人幼苦學因兵燹未卒業家素裕貧民請貸無不應者治家有禮晚年得五子人以爲積善之報

駱文藻字芷亭甯遠文家寺人同治閒回變文藻築堡城以捍衛七年大旱升麥千餘錢文藻發粟四十餘石以賑飢不責值不取

券鄉人德之軍興供應煩夥文藻前後輸七千金邑令金某以義重千金榜其門後二孫同入庠長孫駸膺選拔

陳蓄畚甯遠人光緒八年父爲仇家控於郡不得直父憤曰苞苴世界地下應不爾遂吞毒蓄畚覺已救無及曰父去誰侍我當從地下代伸冤耳亦服毒死時十二月初三日也

李景昉字則卿甯遠礫石川人事母至孝不離左右溺穢器必躬親母沒景昉年已六十因居廬跪不起以骸疾卒

楊泰伏羌人定省無間克順親志

謝志仁伏羌人力傭沽酒以養親鄉里建坊公表

楊復蕙伏羌人康熙十三年吳三桂叛軍需繁興復蕙捐助粟豆以濟之靖逆侯張勇統師致諸幕以功議敘官隆德縣知縣

楊鳳翱伏羌人庠生家西川五十里勤農務有餘粟卽借給貧民

甘肅新通志

卷七十三

人物志 孝義上

三

鄉人德之有長者之稱康熙戊戌五月地震北山飛崩永甯大正環村居民數千戶盡淹壓土泥中獨翱居村無恙形狀若有神斧劈開者然布政司折某踏勘災傷旌曰善有善報郡守陳某旌曰積善餘慶 上遣副憲楊某來賑聞厥異深嘉歎曰真善人天之報施固不爽也立石於里以表之

蔣奠畿字磐安伏羌人庠生端行誼睦親族救荒恤貧鞏介亭以敦厚維風才堪佐理文贈之

王國泰伏羌人性剛正晚年舉一子延師課讀師卒師母貧乏歲供衣食十餘年沒尤厚葬子林桂舉於鄉人咸稱敬師之報

李端樞字榮窗伏羌廩生一盜伐柳條樹甚高端樞步其下見之急退百餘步徐喝而下善遣之又刻文昌陰騰文註公諸世家素封里人貧者多賴之

余情芳字陶庵伏羌人增生品端事親孝教讀里塾足不履城
誦獻書伏羌處士兄弟四獻書居長弱冠失怙妻郭氏性淑穆相
夫持家課諸弟讀久而彌嚴遂相繼入庠並掇高第
黃成采字載之伏羌進士家貧養親至孝父沒獨宿三年不飲酒
不如葷雖盛暑不釋孝服母沒哀慟如厥考

宋孔昭伏羌庠生事母孝母疾衣不解帶者數年曲盡承歡沒尤
盡哀邑人稱之

張慕載伏羌監生孝行徵實載表揚錄禮部頒發天下各學尊經
閣貯藏善書法尤工琴瑟詩歌奉 旨入忠孝祠

蔣斗南伏羌牛驪鎮人性至孝家貧不能娶撫姪爲子常傭身養
母親操井日祁寒暑雨未嘗少懈

魏元一伏羌增生教授鄉里遠近洽孚長子庠生有鳳善體父志

甘肅新通志

卷七十三

人物志 孝義上

三

尤篤友愛督責弟起鳳捷武鄉榜

任佐甲伏羌監生家素封性慈祥遇歲饑出厚貲以濟閭里鄉人
咸稱其好義云

姜靖海伏羌人幼失怙孝奉母兄卒子漢傑四齡嫂張氏年二十
八守節同治二年回亂靖海負子及兄子漢傑逃賊逼力竭度不
能兩全遂棄子負姪越山數里未幾賊退子亦無恙後漢傑入邑
庠里黨重之

張倫娃伏羌人同治五年回賊攻堡將陷隻身入賊營啖以金竭
力周旋擄去男婦無數並得釋鄉人德之

魏殿選伏羌從九生三月失怙母鞠育成立性至孝出入必告每
有異味必百方得之進母母怒則折株跪前使人代行杖母色霽
乃已母沒既葬晨昏省墓者三年光緒七年 旌表

金乃良伏羌人豪俠好義同治八年回寇金家坪男女被縛者四十餘人掠去牛馬無算賊勒令贖否則駢戮斬一人爲令良乃挺身入賊營援回者多半并出粟物以贖其餘鄉人稱義舉焉
張登瀛伏羌溫家峴人同治八年三月逆回陷堡登瀛獨負母遠逃賊夥追十餘里不及而止俱得全生鄉人異之

魏 炯伏羌人家素封鄉里貧寒有婚姻喪葬事必量力仗助同治回變守城民夫苦甚炯給炭火供湯粥人多賴之又與宗祠捐鄉試資斧錢百緡雇人檢掩暴骨收拾字紙邑人至今稱爲善人
李泮池伏羌諸生以敦行聞於鄉有邑人蔣姓者因貧而私質其公產族眾攻之其人惶怖欲自盡泮池代爲贖之又有遠族子某戲殺人獄成以孤子例聽贖而貲無出一許氏子驚於人其父竟無嗣泮池均爲贖歸縣城東有公濟橋泮池獨力所建然其家僅

甘肅新通志

卷七十三

人物志

孝義上

七

小康云

盧調鼎調琳調爵西和人同母兄弟事親孝友愛尤篤伯氏年登大耄仲躋上壽季亦年七十六足跡不履公庭邑令某匾其門曰操繼澹臺肩隨出入人敬仰之

陳良士西和岐山里人性介直識大義壯年任里中田畝事公正和平好施予不圖報子孫入庠食餼者數人年登上壽

周文蔚西和歲貢僮好義乾隆二十八年修 崇聖祠獨力捐貲購木料邑令繆某旅棚無歸捐地營葬立碑春秋霜露以盂飯杯酒躬奠墓下常訓子孫歲時勿闕沒年九十有三

趙殿瑛字廷獻西和庠生孝事繼母親沒哀毀逾禮撫弟姪訓子孫家庭雍睦孫曾均入庠舉飲賓親族仰之

盧 濤字海如西和人性孝友母疾日夜侍湯藥躬抑搔母沒哀

毀骨立年二十二補弟子員考授縣丞父美章性好施與濤善承其志美章晚年豪飲濤常侍不離左右父沒悲號三年服闋銓授縣丞濤慨然曰古人不以三公易一日養今祿不逮親何以仕爲遂於黃江讀書終身

陳近思岷州人乾隆丁卯舉人性至孝嘗爲母疴搔癢滌穢汚凡酒食新物母不食不敢嘗人邀宴者先具酒食餽其母而後列筵否則終不舉箸近思赴鄉試母焚香祝天曰使吾兒名列榜末吾願足矣榜發果在末名人以爲孝感云年七十餘卒三日部銓廣東某縣知縣報至遂以知縣禮葬焉

王鳳瑞岷州乾隆間貢生性孝謹親沒事兄如父事嫂如母精岐黃術活人甚眾不受餽謝於貧戶及獄囚尤加意焉巡道朱爾漢重其義概常造其廬後沒觀察作詩弔之

杜景奎岷州人嘉慶初以歲貢銓授陝西整屋縣訓導未幾解組歸待二弟友愛甚篤時巡道富某遣丁赴省道遺一匣其弟晨出拾歸景奎啟視則白金四百寶石五顆具帖揭通衢富某聞而取去以拾金不昧旌其門所遣之丁方覓死聞之乃敢歸三年川楚教匪圍城景奎出粟佐官廩之不給其潔已好施如此

楊作榕岷州道光乙酉拔貢幼聰慧嗜讀書父督之甚嚴作榕受教惟謹後父沒事叔如父叔性急作榕先意承志未嘗少拂

陳萬書字石倉廩生近思孫父琇充庫房經書道光二十四年解銀赴省行至岳家灣洮濱陡坡適洮水暴漲車覆溺斃萬書痛父非命每祭赴洮濱哭奠自是絕葷以瓦器朝夕飲豆粥一缶不食菜果冬月卧寒牀越數月毀瘠骨立遂死

包世祿字子康岷州人光緒丙子舉人性安雅幼不好弄稍長嗜

書言訥訥然如不出諸其口其中退然若不勝衣兄世福歲貢生世祿事之甚謹每事必諮而後行兄亦友愛甚篤至老無間言岷人言天倫之樂以包氏昆仲爲最

徐信仁洮州人同治五年叛回札哥子突至家殺其姊斷兩手母跪地乞命又支解之信仁伏炕中得免誓復仇每謂人曰吾與賊不共戴天不剗刃其胸非人子也十一年亂平忽遇札哥子於舊洮市中手刃之未死自詣官泣訴其殺母姊狀同知陳雲孫直其詞置札哥子於法聞者快之

陳邦珍洮州人同治五年撫回再叛大殺城民邦珍負老母逃妻妾及媳俱被害子善頌身被十餘創未死後亂平母年七十餘卒善頌入庠人以爲孝德所感云

張寅斗洮州區都族人少失怙獨奉母殷氏母每夜哭寅斗恆達

甘肅新通志

卷七十三

人物志

孝義上

三

旦不寢同治回亂負母逃階文等處亂平始負歸卒成歲貢生同知葉某稱其有江革風云

馬重騷字榮春洮州陰陽學正術親沒哀毀骨立疏食水飲者三年鄉里咸稱之

敏尙禮洮州回民回匪之變常乘一小蹇向漢人遍門告諭以安撫其心時年八十二歲

